

甘肅全省新通志

卷陸拾捌

76587

ex 180
39
ep = 53

甘肅新通志卷之第六十八

階州直隸州

漢董 謁字仲元武都人少好學常遊山澤負挾圖書患其重繁拾樹葉以代書簡言其易卷懷也家貧編荆為牀聚鳥獸毛以寢其上

仇 靖字漢德下辨人善屬文工書建甯中為郡從事四年太守李翕關西狹道靖作頌刻石紀之次年沮縣析里橋成復作郵閣頌仇紉書紉字子長

蘇正和武都人中平閒為武威從事武威太守恃權貪橫正和案治其罪涼州刺史張鵠畏懼貴戚欲殺正和以自免訪之於漢陽長史蓋勳勳與和有隙或勸勳可因此報仇勳曰謀事殺良非忠也乘人之危非仁也乃勸鵠正和遂免於難

甘肅新通志

卷六十八

人物志 羣材三

一

三國魏李俊王靈皆武都人建安中馬超自渭南敗還攻隴上諸郡殺掠吏民刺史郡守皆遇害俊靈等隨楊阜起義兵攻超走之諸郡皆平

姜 合武都人建安初曹操初建魏國在境外者聞之以為拜王合羈旅漢中謂中郎將李伏曰必為魏公未便王也定天下者魏公子丕神之所命當合符讖以應天人之位伏以合辭語張魯魯亦問合知書所出合曰孔子玉版也天子歷數雖百世可知是後月餘有人來寫得册文卒如合辭合長子內學關右知名操初征漢中先迎王師後病亡於鄴

晉前秦毛 當武都人饒勇善戰仕秦至前禁將軍建元六年隨王猛率大軍伐燕克晉陽伐蜀時當帥步騎三萬出劍門攻梁益克之於是西南夷笮笮夜郎等皆來歸附以當為鎮南將軍後遷鎮

軍將軍封武平侯

王 鑿武都人仕秦積官至武衛將軍建元初并州牧晉公柳反於蒲版秦州刺史趙公雙反於上邽洛州刺史魏公庾反於陝城雍州刺史燕公武反於安定鑿與呂光率中外精銳二萬進擊雙武大破之斬獲一萬五千餘級武棄安定與雙奔上邽鑿等攻克之斬雙武又與王猛會軍討庾於陝城拔其城獲庾七年春率步騎二萬解壽春之圍爲豫州刺史卒

竇 衝武都人仕秦戰功最著官左將軍及淮南之敗秦主奔還慕容泓慕容冲姚萇等相率皆叛攻城略地所在蜂起衝率兵討冲於河東大破之後秦主爲萇所弑衝奔茲川有衆數萬聞長樂公丕卽位遣使上表丕以衝爲梁州牧丕死登稱尊號以衝爲車騎大將軍南秦州牧太初二年五月攻萇汧雍二城克之斬其將

甘肅新通志

卷六十八

人物志 羣材三

二

姚元平張略等十月進大司馬尋拜右丞相

北魏楊 卜階陵人延興用兵以後屢從征伐身經二十一戰勳勞最著授廣業郡太守

楊令竇武都人有膂力善射景明初除輔國將軍封陵甯縣開國子食邑五百戶在淮南戰功更著徵拜冠軍將軍試守京兆南史弟令仁亦隨兄立効官前將軍汝南內史令竇長子彪襲爵邵陵縣開國子官征虜將軍

楊大眼武都氏難當之孫也少有膽氣跳走如飛孝文南伐令尙書李冲典選征官大眼往求冲弗許大眼曰請出一技便出長繩三丈許繫髻而走繩直如矢馬馳不及冲曰逸才遂用爲軍主所經戰陣勇冠六軍除輔國將軍宣武徵爲太尉長史持節東征人慕其雄勇觀者如市還加平東將軍大眼善騎射裝束雄壯

周旋撫循士卒自爲將帥常衝突堅陣當其鋒者無不摧拉淮泗荆沔閒兒啼恐之曰楊大眼至卽止出爲荊州刺史荆蠻不敢復爲寇雖不學常令人讀書而坐聽之悉能記識令作露布皆口授之而竟不多識字也

南梁楊華大眼子也有勇力容貌雄偉魏胡太后深寵之華懼禍率部曲來降累著戰功厯官太僕卿太子左衛封益陽縣侯

唐符載字厚之武都人有奇才以王霸自許恥與常調始隱廬山貞元中李巽爲江西觀察薦其材授奉禮郎南昌軍副使繼辟四川韋皋掌記澤潞郊士美參謀厯協律郎監察御史卒

宋王公儀栗亭白石峪人童子時被徵登慶厯六年進士第官中散大夫知涇州軍事兼管內勸農使上柱國封靖遠縣男

張覺民文州人游太學元祐間進士與馬涓等上書忤權貴坐黨錮退居成都與張正己游號草堂先生著書見藝文目錄

劉戡同谷人政和進士官修職郎岷州團練判官累官統領紹興四年正月金人犯宕昌臨江寨及花石關戡分兵拒卻之

張謂字君卿成州人少隸張俊帳下積功守和州嘗奉命使金一日金人持所繪祐獻二陵像至館中皆北地服詔向之再拜館人問之答曰詔雖不識其人但龍鳳之姿天日之表自非胡人祖宗也孝宗聞而嘉之初趙汝愚奏請以詔代領武興軍杜吳氏握兵之漸及汝愚旣知樞密力請於光宗曰若武興朝除帥則臣夕拜命上許之乃以詔爲成州團練使興州諸軍都統制詔在興州甚得士心

張寅階州人官從事郎知興元府褒城縣主管勸農營田急於公事善屬文

張 威字德遠成州人貧甚賣藥自給或言其才勇乃令戍邊開
禧用兵威與敵每戰輒捷以功補本軍將領吳曦既誅遣將復西
和州威率眾先登敗金人於板橋遂取西和陞統制由是威名大
振屢立奇功擢利州副都統制嘉定開金分道入蜀威卻之又破
之於金牛鎮潛遣石宣等襲於太安軍大破之威以勇見稱每戰
輒克臨陣戰酣則精采愈奮兩眼皆赤時號張鷟眼金人憚之軍
律整嚴兵行常若銜枚每與百姓避路買食物則價倍於市無敢
多取

丁 焞字晦叔福津人爲人剛直不受私謁累官至太府少卿嘉
定間爲利州路安撫使兼知興元府決事明白吏民信服魏了翁
稱曰丁晦叔武階一人而已

元武思信字得之同谷人成州長管元帥節度使先是汪世顯領大
甘肅新通志 卷六十八 人物志 羣材三 四
軍征南以思信智略兼優且累作命使備知蜀道奏請命爲先鋒
思信所至有功輒能奪其關隘又擊階州明月山寨轉戰凡六捷
而還

明汪宗賢字希顏成縣人世顯七代孫也年十三侍父宦遊攻苦嗜
學不事綺紈永樂中以書經選入太學授江南松江府判涖任之
初值朝廷遣大臣築寶山於海隅承役者眾命選才能幹濟之官
以董其事宗賢遂膺首選乃率眾趨事心力俱殫其爲政興學校
課農桑招逋逃恤刑獄政通人和百廢俱舉三年上其事功屢獲
優考

楊榮春字化雨文縣庠生學問充裕端方有厚德後進小子見之
無不加禮年八十無倦容兩舉德行當道有品高月日績著宮牆
之旌值其生辰正衣冠危坐而逝

龍 光階州人成化舉人知巴縣以清慎著稱居家孝友

李文明階州人正德中舉人授敘州同知治政清廉蜀民稱頌及歸宦囊蕭然寔居邱園不謁公庭

崔 觀階州人正德中舉人爲巴縣教諭師道端嚴士多成就分俸濟貧不營家計著書見藝文目錄

蹇來亨階州人嘉靖甲子舉人知我眉縣補綿竹知縣所至清慎蜀民感頌

朱希晦文縣貢生知新樂縣居官廉明歸里蕭然日與故舊相歡剛正無屈過其門者必式

張九經張九功文縣人兄弟也九經由舉人任太原府通判居官守正不求聲譽一生嗜古好學不問家產晚年尤究心窮理之功鄉人矜式九功由舉人初任河南武安知縣陞知州遷王府長史

甘肅新通志

卷六十八

人物志 羣材三

五

居官清慎解綬歸克敦孝友精岐黃術在官在家全活甚衆

武 彥成縣人剛勁嚴明才識過人初授湖廣按察司經歷能聲遠播薦浙江道監察御史風裁峻厲陞浙江甯波府知府

蕭籍劉大猷皆文縣人均萬厯中舉人籍投澠池知縣歷陞澤州知州居官精明吏不敢欺澠池爲立生祠處鄉清正尤善詩文大猷初任萬泉知縣調太平陞戶部主事至潞安府知府所在多政績處繼母異弟孝友並稱言動不苟鄉評推重

趙守廉階州人以明經授東昌推官振幽理冤黜貪舉賢陞知崇慶州

卯在東蹇逢泰皆階州人在東美丰姿善談論志操軼羣授中城兵馬左巡肅清不避權貴後遷河南府逢泰善古文詞通天文地理星相醫卜之術授中衛訓經略表聞其名徵辟不赴終漢南

授

李可柱王敦德皆文縣舉人萬厯中可柱初授湖廣武陵知縣陞蘇州府通判所在有善政武陵爲立生祠敦德初授湖廣澧州知州署永甯縣事戇直不阿智平礦亂

張倫朱子節皆文縣人倫以正千戶守禦善戰多方略中外均畏服雅好文學愛養士類文風亦爲之振子節以貢生任盤屋訓導甘貧厲節不共波靡士多景其師範

鍾其偉字卓然成縣人天啟二年應恩選崇禎初授山東安邱縣丞尋陞湖廣枝江知縣多異政枝民建生祠以祝者三後補山東棲霞縣值流寇猖獗多方堵禦民賴以安獻洗甲膚功圖題詠最多其政績見兩縣去思碑

任 遠文縣人天啟四年舉人官山東臨朐知縣東城兵馬司至

甘肅新通志

卷六十八

人物志 羣材三

六

戶部主事勤勞職事卒於官贈山東按察使送一子入監

張爾猷文縣貢生官山西襄陵丞升太原衛經歷慷慨急公崇禎十一年大寇臨舊城下衆議遷守縣城爾猷力止之後土寇突至爾猷率城夫多方備禦並輸銀犒之城夫悉感奮城賴以全

王懋修字澄一郡庠生性純謹一言一行必遵禮法雖燕私不苟人犯之忍辱不與校郡人咸稱長者年六十杜門養重日饒花蔣蔬不問戶外事客有談時事者則默不應其謹慎至老不渝云

國朝李兆乾字健菴階州庠生精卜筮奇門之術有膽略遇事敢爲遂爲武人所忌欲謀殺之覺而逃因隨肅王征蜀每出陣時占決勝敗無不立效以此屢獲殊績初授湖馬府知府歷官至山東按察使

邢 澍字雨民階州人乾隆庚戌進士精天文地理與之學應任浙

江永康長興等縣善治大獄發奸摘伏皆神效而行政利人有青天之號循聲卓著爲上游所推重歷充壬子戊午庚申辛酉鄉試同考官署饒州府遷江西南安府歸里後沈靜寡營著書自娛集見藝文目錄

吳鵬翔字雲遠階州人乾隆閒舉人莊平慎重品行端方通籍後絕志進取嘗究心考據之學所著雜書甚多雜武階備志一書梓行於世

唐敬字惺齋階州人嘉慶閒明經幼讀書過目成誦穎悟絕倫經史子集無不博通淹貫而甘貧嗜學至老不渝人尊爲通明先生

劉光遠字望三階州人道光乙未進士任廣東歸善知縣遷惠州知州清廉愛民有政聲歷任數十年而宦囊蕭然竟卒於官

甘肅新通志

卷六十八

人物志 羣材三

七

呂逢奏文縣人順治中拔貢仕湖廣漢陽府通判歷署漢陽知府清儉自持不受餽遺治大獄多平反法行於勢要豪衿皆畏憚卒以剛直見忤屢乞休大吏許之識者有位不滿才之歎

何帝錫文縣人康熙拔貢生性直諒善詩文甲寅之變僞吳據蜀帝錫稟請增文營兵制以禦賊鄉里稱賢歷久彌著

呂宗翰文縣人乾隆中拔貢任固原州學正性嚴正古樸好學勤於課士文風丕振所爲文宏深肅括蕭山曹賓谷謂其得力於金海湯者居多著書見藝文目錄

張予翮尤勤修皆文縣人乾隆時舉人予翮優於品學遠近忻慕得其指授悉能成立子孫蕃衍今稱望族勤修力學至老彌篤品亦純粹歿逾百年猶爲後進所稱道

何渾文縣人鄉賢宗韓三子也乾隆戊午舉人辛巳中進士授

廣東存化知縣精敏勤學孝友篤行

徐昌吉文縣人乾隆壬子經魁揀選河南閩鄉知縣歷署南召泌陽等縣因未匿河工銀兩復補確山知縣文縣令續炳南旌其閩曰中州遺愛同時有增生韓國連者以吏目借補平利典史潔己愛民卓有政聲

劉鶴壽韓國珖張效程周肯堂皆文縣諸生鶴壽主講社學成就多人善書法敦古道甘貧賤時人悉以爲賢國珖行誼端正書法做二王效程家夙貧守道甚篤不妄干人肯堂家法嚴肅諸子咸就準繩遠近化之

張鳴鶴楊昱徐斌皆文縣庠生鳴鶴夙講理學不苟嘖笑雖燕居必正衣冠尊瞻視人或以迂拘誚之晏如也晚節彌謹子光訓亦有父風昱性狷介家貧糶雖至斷炊不妄干人人有以菽粟餽者

甘肅新通志

卷六十八

人物志 羣材三

八

必峻卻之其嚴於所守如此斌性亦廉謹於辭受進退之間一毫不苟

周清現文縣人嘉慶丁巳舉人辛未進士歷任四川安縣彭山羅江等縣知縣陞直隸州知州有政聲

韓秉泰字乙垣文縣人嘉慶癸酉拔貢戊寅順天鄉薦教讀長安門下登甲乙榜者數十人文章品高藉盛於時嘗與關中路德爲至交

張培蘭字九畹文縣人道光辛巳舉人博通古今授固原學正卒於官著書見藝文目錄

張 奮文縣廩生同治三年髮逆陷階城文邑震懼奮稟明縣令常毓坤借增生蕭繼先赴川請兵卒復階州文城克保奮之力也李甲璧字玉昆成縣人順治中拔貢生仕江南淮安府通判正己

率物實心行政釐奸剔弊優士恤軍巡鹽弭盜俱得其方賢能爲上游所推重

汪宗徽字繩武成縣增生進士澣六世孫也讀書明道修德立行以聖賢爲師鄉里欽重子度高才積學有關西名士之目厥後子姓繁衍學校一門人謂積善之報云

汪坎字海若成縣人順治丁酉舉於鄉授興平教諭後改鄜州學正訓士有方太守王廷弼薦之特擢浙江會稽知縣

汪璪字石伯成縣人澣六世孫也康熙元年恩貢爲人博學沈靜慷慨能任事叛將階州蔣登雷秦州賀珍入寇圍城數月璪於諸生中擇幹濟者每名督守營房十間率家傭之健勇者晝夜巡防城賴以全先後救脫賀珍所擄男婦二十七口鄉里旣高其能尤佩其德年七十三卒子孫能世其家

甘肅新通志

卷六十八

人物志 羣材三

九

張星煜字贊陽成縣橫川人少博學多能以諸生應募吳逆之亂累功授新都知縣權華陽總理軍儲時兵燹後煜集流亡勸學校清馬政循聲著兩邑閒以母憂去民尸祝弗忘後優游林下屢徵不起年九十餘卒

喬松齡字仲青成縣人康熙壬子選入太學慷慨有古人風吳逆變叛王輔臣經縣松齡直言面折不畏鋒刃後將軍趙良棟聘以佐戎逆平絕志仕進嘗有西江垂釣客隴右躬耕民之句

呂奏清字象天呂經字子緇皆成縣人奏清縣廩生性樸鈍博聞強記以易學著聞屢困兵閉門絃誦自若邑令王三錫額其門曰奕世書香經歲貢亦精易善著甘淡泊不仕卒年八十四

王安國字輔君成縣同谷人少有膽略膂力過人因從勇略將軍趙良棟取川所至輒捷遂隨大軍克復雲南事平以功加都督僉

事又敗噶爾且於西山奏凱旋授湖南沅中軍遊擊尋轉山永協
雍正元年除處州鎮署甯波提督六年調狼山鎮總兵九年以老
歸田壽八十三

汪邁洲字淑人成縣太學生生而岐嶷有壯志平居自持禮法而
待人和厚鄉里感化有王彥方之風著書見藝文目錄

樊必大字乃容成縣人雍正元年 恩選博通經史每試冠軍人
以疑難叩應答如響任鄆縣教諭多所成就有樊夫子稱二載以
老告歸未幾卒子苞亦明經同時有王待者亦由明經任狄道訓
導品端學優士林稱之

慶陽府

漢公孫昆邪北地義渠人景帝時爲隴西太守以將軍擊吳楚有功封平曲侯著書十五篇行於世

李 息北地郁郅人事景帝至武帝立八歲爲材官將軍軍馬邑後六歲爲將軍出代後三歲爲將軍從大將軍青出朔方凡三爲將軍後常爲大行渾邪王謀欲降漢是時大行李息將城河上得渾邪王使即馳傳簡上乃令去病將兵往迎之元鼎間西域旣通置河西郡後先零羌合兵十餘萬圍枹罕息與郎中令徐自爲將兵十萬人擊平之始置護羌校尉持節統領焉

公孫敖北地義渠人以郎事景帝至武帝立爲騎將軍出代後五歲以校尉從大將軍青封合騎侯後一歲以中將軍從大將軍再出定襄後二歲以將軍出北地後十四歲以因杆將軍築受降城

甘肅新通志

卷六十八

人物志

羣材三

士

凡四爲將軍

公孫賀字子叔昆邪孫少爲騎士從軍數有功武帝即位遷至太僕賀夫人衛皇后姊也賀由是有寵元光中爲輕騎將軍從大將軍青出有功封南宮侯坐酎金失侯後八歲遂代石慶爲丞相封葛繹侯時朝廷多事督責大臣賀引拜爲丞相不受印綬頓首涕泣曰臣本邊鄙以鞍馬騎射爲材官誠不任宰相上感動下泣曰扶起丞相賀不肯起上迺起去賀不得已拜出左右問其故賀曰主上明明臣不足以稱恐負重責從是殆矣子敬聲代賀爲太僕父子並居公卿位敬聲驕奢不奉法坐事死

傅介子北地人以從軍爲官先是龜茲樓蘭皆嘗殺漢使者元鳳中介子以駿馬監求使大宛因詔令責樓蘭龜茲國介子至責其王各謝服因率其吏士共斬匈奴使者還奏詔拜爲中郎遷平樂

監復遣介子齎金幣揚言賜外國至樓蘭王貪漢財物來見使者
介子與坐飲壯士二人刺之立死遂持王首還詣闕公卿議者咸
嘉其功詔封爲義陽侯食邑七百戶

甘延壽字君况北地郁郅人少以良家子善騎射爲羽林投石拔
距絕於等倫常超踰羽林亭樓由是遷爲郎試弁爲期門稍遷至
遼東太守車騎將軍許嘉薦爲郎中諫大夫使西域都護騎都尉
與副校尉陳湯共誅斬郅支單于封義成侯薨諡曰壯

梁 謹字伯威北地弋居人有勇氣延平元年爲西域副校尉都
護段禧長史趙博守它乾城城小謹以爲不可固乃說龜茲王欲
入共保其城謹旣入遣將急而禧博合軍八九千人龜茲吏人並
叛其王反共圍城謹出戰大破之二年春敦煌衆羌叛朝廷發兵
西擊詔謹留援謹進兵擊破之追至昭武及至姑臧降其大豪三

甘肅新通志

卷六十八

人物志 羣材三

三

百餘人河西復安受詔屯金城關羌犯三輔引兵赴擊轉戰武功
美陽關連破走之盡得所掠生口羌遂奔散朝廷賜書勞勉委以
西方事三年行度遼將軍事救耿种于美稷破匈奴烏桓即拜度
遼將軍

王 園郁郅人爲強弩將軍以武勇顯聞著書見藝文目錄

三國魏傳 嘏字蘭石北地介子之後弱冠知名司空陳羣辟爲掾
時劉邵作考課法嘏以殿最之課未盡人才作論難以爲其失後
爲河南尹遷尙書時議征吳嘏言非便時不從出師果爲諸葛恪
所敗正元二年平毋邱儉文欽之亂嘏謀居多進封陽鄉侯
傳 幹字彥材北地人官至丞相倉曹嘗諫征孫權言舉十萬之
衆頓之長江之濱大威有屈而敵心未能服惟明公思虞舜舞干
戚之義以全威養德不聽軍訖無功

晉傳 祇字子莊魏太常嘏子武帝時起家太子舍人累遷散騎黃門郎爲滎陽太守時河濟泛溢乃造沈菜堰以時蓄洩充豫無水患後以討楊駿功封靈州縣公氏人齊萬年反祇率夏侯駿討平之及趙王倫輔政祇辭疾倫強之使就職惠帝還宮請退不許懷帝即位加右僕射中書監祇明達國體朝廷制度多所經綜著文章駁論十餘萬言

傅 宣字世宏祇子年六歲喪繼母哭泣如成人長好學趙王倫以爲相國掾尚書郎懷帝即位轉吏部郎御史中丞宣弟暢少有重名以選入侍講東宮爲祕書丞歿於石勒

傅 元字休奕魏傅幹子少孤貧博學善屬文解鐘律舉秀才除郎中選入著作撰集魏書厯官宏農太守典農校尉所居稱職太始四年有水旱災上便宜五事詔稱善遷司隸校尉元每有奏劾

甘肅新通志

卷六十八

人物志 羣材三

三

或值日暮捧白簡整簪帶坐而待旦貴游懾伏臺閣生風後追封清泉侯著書見藝文目錄子咸

傅 咸字長虞剛簡有大節風格峻整疾惡如讐推賢樂善好屬文咸甯初襲父爵拜太子洗馬累遷尚書右丞厯御史中丞兼司隸校尉在位多所執正惠帝時累疏稱引故事條理灼然吳郡顧榮嘗曰傅長虞勁直忠果劾案驚人卒贈司隸校尉諡曰貞

宋傅宏之字仲度北地泥陽人高祖時晉司徒宏之少儻有大志仕宋累遷建威將軍順陽太守武帝北伐宏之等七軍自武關入宏之素善騎乘曾於姚法馳道內緩服戲馬甚有姿致聚觀者數千人並嗟歎稱善留爲雍州治中從事義真東歸赫連勃勃傾國追躡於青泥大戰宏之躬擐甲冑氣冠三軍軍敗陷沒逼降不屈叫罵見殺

北魏梁 祚北地泥陽人篤志好學歷治諸經尤善公羊春秋鄭氏易常以教授與幽州別駕平恆有舊時請與論經史辟祕書中散後爲中書博士撰訂陳壽三國志名曰國統又作代都賦頗行於世子元吉有父風

唐康 壽真甯人任襄陽穀城令有美政野有馴翬村無吠犬子智任縣令政治公平有父風有墓碑可攷

于志甯真甯人大業末調冠氏縣長山東盜起棄官歸高祖入關率羣從迎謁長春宮詔授渭北道行軍元帥府記室遷天策府中郎文學館學士貞觀三年爲中書侍郎太宗嘗宴近臣問志甯安在有司奏勅召三品志甯品第四帝悟詔與宴因加散騎常侍太子左庶子黎陽縣公是時議立七廟羣臣請以涼武昭王爲始祖志甯以涼非王業所因獨建議違之太子承乾數有過惡志甯上

甘肅新通志

卷六十八

人物志 羣材三

古

諫苑以諷帝見大悅賜黃金十斤絹三百匹俄兼詹事以母喪免詔復起固請終制不許乃就職時太子以農時造曲室累月不止志甯上疏極言太子怒遣人往刺之入其第見志甯憔悴在苦塊中不忍殺乃去後太子敗帝知志甯數諫故罪不及晉王爲皇太子復拜左庶子遷侍中加光祿大夫進封燕國公監修國史累官至太子太師皇后之廢長孫無忌褚遂良固爭不從志甯不敢言武后以其不右己銜之後出爲榮州刺史改華州聽致仕卒贈都督諡曰定遠

于休烈志甯曾孫開元初第進士又擢制科歷祕書省正字吐蕃金城公主請文籍四種詔祕書寫賜烈上疏固爭並引東平王求史記諸子漢廷不與故事疏入詔中書門下議卒與之累遷起居郎直集賢殿學士楊國忠爲宰相出爲中部郡太守肅宗立休烈

奔行在擢給事中還太常少卿修國史卒贈尙書左僕射諡曰元其子孫皆登顯官黃巢陷京師烈會孫琮以病卧家巢欲起爲相琮曰吾死在旦夕義不受污賊遂害之

宋王 庶字子尙慶陽人崇甯間進士第知涇州保定縣以种師道薦通判懷德軍高宗初爲鄜延經略使累立戰功進龍圖閣待制節制陝西六路軍馬金人大入破潼關庶傳檄諸路會期進討曲端與庶不協屢督不進延安遂陷自劾得罷紹興五年起復知興元府利夔路制置使庶以士卒單寡籍興洋壯丁以時簡閱未半年有兵數萬六年除湖北安撫使知鄂州趨關陳紹復大業上大異之進直學士七年以兵部侍郎召入對奏恢復之功未立失在偏聽欲速輕爵賞是非邪正混淆誠能賞功罰罪其誰不服又口陳手畫秦蜀利害上大喜即日遷本部尙書命庶措置江淮邊防

甘肅新通志

卷六十八

人物志 羣材三

五

京湖宣撫使時秦檜主和戎庶力詆和議乞誅金使不從七疏乞免官中丞句龍如淵劾庶本趙鼎所薦欺君罔上奪職罷歸十三年御史胡汝明論庶譏訕朝政謫道州安置至貶所卒孝宗追復其官諡節敏

元幹札箐甯州人太祖命副撒都忽爲中興路管民官國兵西征運饟不絕無毫髮私時號曰滿朝清世祖時以疾卒遺奏請謹名爵節財用帝嘉納焉

王積翁甯州人至元中厯官福建道宣慰使提刑按察使 傳闕

郭 英真甯人第進士以甲科爲燕楚間循良 傳闕

明賀 潤甯州人賦性聰明立志堅定讀書不泥舊習而能深契維新洪武初登進士第授監察御史陞吉安府知府敷厯有聲

王 音真甯人洪武初舉賢良任壽陽縣丞 傳闕

劉鼎安化人登鄉薦授戶部主事陞郎中再陞浙江右參政時寇盜擾攘大興師旅鼎措運軍儲不至匱絕後陞布政使致仕歸囊無一物

張文字載道慶陽衛人明初法嚴學者恐貽後累不樂進取文欲尋師受學父母難之乃潛遊寺觀覓藏經書之久之有悟取儒書讀之即大通里鄰申報郡守見而奇之曰此少年雋器也入庠給廩乃益修身勵行講學授徒文章德行推冠一時以歲貢補博平訓導問說經義士彬彬向風文體一變致仕歸其貧如洗怡然自得

周福環縣人永樂閒舉人授雲南道監察御史忠直清謹致仕歸里日行橐蕭然人咸重之

孔文英字世傑安化人永樂十九年進士授廬陵知縣擢監察御史所黃岩有健訟者搆捏齊民三千人相聚爲非奉勅往鞫遂得其所構造羅織者一訊皆服立遣之獨械首訟者來京時交口以明果稱之歷大理寺卿鎮守紫荊關提督邊務練兵有法設險防禦內外晏然陞刑部左侍郎卒於官

馬馮安化人太學生授諸城縣丞潔己愛民緩徵薄賦民咸戴之永樂十八年蒲臺妖婦林三妻唐賽兒作亂徒眾數千指揮高鳳敗歿勢遂熾攻安邱益急知縣張旗與馮死戰不能下備倭衛青率千騎馳戰大敗之城亦鼓譟出俘斬甚多是日菴山衛指揮王真亦以兵百五十人殲賊諸城賊遂平城賴以全

袁銳真甯人永樂閒進士任四川道監察御史廉以律已憲以澤民歷陞布政使參政

袁一臣真甯人以國子生授蘭陽縣佐操持清謹泣政和易陞

泉縣尹惠政尤多致仕歸行李蕭然鄉里以長者稱之

張 驥安化人永樂中鄉薦宣德中擢御史激揚有聲遷大理寺少卿平山東寇亂理兩浙冤獄特勅獎諭

江文秀真甯人任貴州施秉縣尹陞廣西象州知州操持清苦風力堅凝

趙 恭環縣人宣德丙午舉人任河南鈞州知州陞彰德府知府歷河南參政執法不撓清苦自持

張 銳合水人身長八尺日食斗粟力勝千斤都督楊玉見而偉之載後車以聞於朝授錦衣衛百戶陞鎮殿將軍

張 清甯州人宣德開舉人授四川道監察御史歷山東按察使居官以勤恪著時山東郡邑城垣毀塌清檄一切修築之凡七十餘座民不知勞官不知費

甘肅新通志

卷六十八

人物志 羣材三

七

蔡 真前所人宣德間舉人博學能文經史過目不忘任嚴州教授歷陞鄭府長史

倪 讓右所人正統戊午舉人已未進士授翰林院庶吉士精通六書深明治體歷陞太常寺少卿提督四驛館性行中和生平無疾言遽色且見事前知子英舉人任雞澤縣尹

馮 時甯州人正統甲子舉人乙丑進士授南京太常寺博士陞工部主事任漢陽府知府盡心職業後進階通議大夫

陳 旺安化人正統初龔指揮使資性英敏熟諳韜略凡攻戰守禦俱有成法又通曉譯語當道薦其有文武才遷淮安參將挂兩廣平蠻大將軍印歷陞都督同知掌前府事時以名將稱之

璩 安安化人正統間以太學生徑拜監察御史陞湖廣按察使僉事容姿秀整憲度嚴肅

喬 秦安化人國子生授鴻臚寺序班性剛氣勁陞揚州府經歷嘗監掣淮鹽不屑賄汙致政歸里

左 政甯州人太學生任河南提舉官持守清慎履政勤恪見重於時

李 福真甯人太學生任大同府同知英宗北狩福冒險進貢久無怠意回鑾日陞本府知府進陞參政

王 偉安化人任山西大同知縣英宗北狩偉進貢不絕賜其弟志剛爲錦衣所鎮撫後改慶陽衛前所以功陞千戶

徐人府安化人工數學以太學生授應天經歷陞光祿寺署正恥屈中貴力以疾辭改右府都事時高其志後陞平慶州知州有清政

劉 僅慶陽人甘貧好學謹遵禮義以歲貢入監任石州通判理

甘肅新通志

卷六十八

人物志 羣材三

六

冤獄徵通稅大著循聲改判陳州惠政尤多廉潔之操暮年不變人目爲清白吏

趙 銘安化人景泰辛未進士任監察御史執法不避權勢陞浙江布政使律身清苦泣政廉明逮終無一金遺子孫

田 愉字景和安化人慷慨尙氣節景泰癸酉舉人授平遙縣令邑素號難治愉以清介自持泣事精察鋤奸去暴盡息刁風致仕歸以俸餘周給族屬足蹟不履公門

茂 彪後所人性明敏有俊才景泰甲戌進士拜監察御史嘗糾禮面奏失禮者聲音如雷百官憚之尋陞山東按察司僉事明法律識治體又長於醫刻經史類證行於世

呂 英甯州人景泰間歲貢勤學明理任深州判官有惠政以致仕歸

張理環縣人歲貢生初授知縣清慎有聲擢浙江道監察御史每以忠義自許在臺中多所建白人多重之

張達字文通安化人景泰丙子舉人授蠡縣令撫字有方政平訟簡蠶民化之陞蒲州郡守即乞休家人強之行達曰吾以農家得科目助不逮祿有負國恩多矣迺復營營仕途爲家人計耶竟浩然歸結廬柔遠山中耕田課子終身

王政甯州人天順閒以太學生任濟南府經歷未幾致仕居家循禮教子以義方子三儼侃俱歲貢偉成化丙戌進士

魏璉環縣人德性溫和與物無競天順壬午舉人授四川大昌尹時流賊攘斥璉能撫馭其民改陽曲縣陞彰德府通判

王偉政子成化乙酉舉人丙戌進士選翰林院庶吉士幼聰敏讀書目數行下學問淵博文藻典贍題文山詞弔段太尉文皆傳

甘肅新通志

卷六十八

人物志 羣材三

充

士類云

王福慶陽左所人成化乙酉舉人寓太學忽懷二親即上書乞終養嘗上邊務三策於項都御史授河南尹

王紳安化人成化壬辰進士累官山東副使持憲忠直激揚稱當

狄宗文甯州人成化閒舉人任文安令解紛剖劇事無留宿詞苑平縣亦以幹稱

馮友端甯州人成化丁酉舉人宏治乙丑進士賦性明敏詞藻優逸年逾六旬研究經史至老不倦授工部主事致仕歸

王經福子練達時事少時嘗還人遺金久困郡庠舉明經後居官接引後學以狷介著聞

賈璫甯州人舉宏治己酉經魁庚戌成進士授

外郎歷官平陽知府擢四川按察副使操持清謹涖政和平吏民懷畏歸里日行李蕭然

楊 著甯州人歲貢任四川潼州州判復判劍州山多虎患為文驅之虎乃潛蹟時又值疫捐俸易藥以濟貧者士民感慕建立生祠

董 繡環縣人宏治己酉舉人歷官通判持身清謹容貌古樸作止言笑咸循禮度人以古君子目之

王 綸經弟幼聰穎過目不忘下筆驚人宏治丙辰進士授兵部主事時王陽明同列職方名相亞士大夫有南王北王之稱出為四川僉事正德閒川蜀多寇綸率兵討之丁母艱歸服闕陞饒州兵備副使時甯庶人謀逆綸密揭兵部極言其必反狀後陞本省參政甫涖任即遇甯庶人之變王陽明兵至綸坐同謀冤竟不自

甘肅新通志

卷六十八

人物志 羣材三

三

尚 德甯州人授教諭陞助岷府長史獻可替否王有違行諫之不從致仕

龍 登慶陽衛人歷官遊擊將軍父死敵幼襲指揮署掌衛印陞環慶守備赴任日衛人攀留士大夫領城出送鄉人榮之守禦地方首禁科索一軍咸感尋陞延綏遊擊推心置腹與士卒同甘苦士卒皆樂為用丙午大敵深入軍門令據要害堵賊登據險要賊有躍馬衝突者用巨礮擊之乃越三川而去繼有莫參將者與賊戰軍盡沒賊遂至慶陽分番慘掠登坐配戍後以才勇薦赴京教團練營卒

李 正字惟中慶陽衛人夢陽父也性度寬雅以歲貢任阜平訓導勤學善教藝精六書陞封邱府教授致仕

王汝翼甯州人宏治戊午舉人授霸州守正德閒流賊犯境禦防

有法士民安堵推陞日四民立祠鑄碑以志去思

趙永甯甯州人宏治辛酉舉人秉性誠慤立身謹慎為鄉里表率且恂恂孝友內外無閒人雅重之

王天祐字受之慶陽衛人宏治辛酉舉人祐世農家兒時樵牧即能畫地成字稍長覓書潛讀山間李夢陽見而奇之因授之學輒穎悟有得弱冠中鄉舉酷好魯公法帖迺勁逼真正德間纂修孝宗實錄預選中書授介休令有分巡凌通州縣祐曰是猶可以仕耶即解組歸子士吉正德間舉人

張愷環縣人太學生任山東恩縣縣丞嘗輸俸金積穀賑饑全活甚眾邑人以名宦祠之

張維賢愷之子以歲貢授新蔡縣丞陞盧龍知縣石門翟某巡邊委任稱使陞吉州知州

甘肅新通志 卷六十八 人物志 羣材三 三

郭通甯州人太學生寡言博學任丹陽縣民立碑以頌其惠

秦鉞甯州人宏治辛酉舉人任四川重慶通判丕著政績蜀人懷之

李大芳環縣人宏治辛酉舉人任山東恩縣教諭陞王府伴讀剛勁尚節義摯紳重之

周達字白山甯州人以歲貢任四川井研縣知縣忠厚愛民清白持已民立生祠陞南京戶部員外

姚錦字尚綱慶陽衛人以太學生授懷遠主簿像貌魁梧動循禮度邑人率多交通豪右納賄錦廉察其弊人不敢干有金倉者

以賕進立叱之倉銜恨誣訐巡使解組歸邑人流涕後偕妻王力田養親課子弟以終

邵敏學字希賢甯州人太學生秉性剛直博通經史里中掘地得

錢家困漠然不顧人皆異之初授代州司訓陞容城教諭子芝蘭歲貢苾蕙先後登賢書諸孫亦俱成立

強仲義字宜之安化人賦性鯁介以太學生授鴻臚寺序班束帶立朝儼有威望每逢御門勤政必先百工而至留陞本寺著丞卒於任子可久歲貢

楊純字粹夫甯州人正德丁卯舉人授井陘令清慎公勤陞夔州府同知以剛方自持不阿於時清實軍伍一時奸弊肅清見忤當道未竟施爲時論惜之

丁守中字仲本慶陽衛人連之子少年苦學正德丁卯舉於鄉平易瀟灑器度冲融初授臨晉尹陞戶部主事推課潞野鈔關陞本部郎中以考察除籍

呂經字道甫甯州人少孤貧負薪養母讀書不輟嘗荷薪市米

甘肅新通志

卷六十八

人物志 羣材三

三

見遺金坐而待之果有泣至者即檢還歸母怪其久告之母大悅正德三年舉進士授禮科給事中廷議以經諳練邊情命專覈山西諸路機宜體勘詳明晉都給事中疏陳弭災異及植國本諸事權奸惡之調山西蒲州同知鎮守太監黃玉求索弗遂誣奏繫獄嘉靖改元起復吏科陞山東參政礦賊王堂作亂親督戰生擒之陞雲南布政使土司文安邦反勦平之陞都察院右副都御史巡撫遼東釐剔弊習太監王純等誣奏戍茂州恩詔釋歸年六十九卒著書見藝文目錄隆慶初詔復其官

張鵬翰慶陽衛人訓導文子性敏篤學日記數千言正德六年進士授襄垣令視民如子擢監察御史左遷解州判官申明呂氏鄉約三年風俗丕變壬辰大饑鵬翰捐俸易粟活人甚衆尋陞蘇州通判疏鑿淤河商賈稱便陞南戶部員外鄰有新配軍苦於衛幕

鬻女得十金未致而失之將求死翰遺之金如數又爲贖女遣之
除河南僉事有勸翰復礦洞者怒曰汝以利誘我耶遂疏其人
萬文明甯州人正德甲戌進士任錦衣衛北鎮撫使鎮撫陞指揮
搢紳多重之

呂 顯字幼通經猶子幼失怙隨伯父讀書京師正德己卯舉鄉
試第一嘉靖二年進士授戶部主事陞刑部員外郎審理冤滯多
所平反陞郎中出知河南衛輝府政治嚴明調山東東昌值大水
河決滄沒館陶武城二邑乃分檄鄉村安插災民請賑全活計口
給糧歷陞雲南左布政使著書見藝文目錄

胡獻金環縣人正德己卯舉人除榮昌縣令愛民省費行取赴京
值父喪歸先居榮昌時每歲盡以俸資奉父母止留柴薪自用一
無所取於民到家窘甚至不能襄葬事服闋擢戶部主事

甘肅新通志

卷六十八

人物志 羣材三

三

陳大綱字廷憲震子正德十二年進士授大理評事讞疑獄片言
立折人咸驚服擢山西僉事土豪陳卿據青羊山作亂撫勦未決
獨綱力主勦作平賊方略六篇遂度地形險易斷山伐木爲飛梯
望樓出其背三軍攀援而上賊驚潰卿遂降時宰相以前異議抑
之命官覆勘以不合勦格竟不蒙賞陞密雲兵備副使布置嚴整
多紀律時戴貴作亂久不平綱至立保甲法榜鄉邑失賊者連坐
貴遂獲脅從各散去邑賴以甯上資賞褒之

邵 苾字叔芳甯州人嘉靖乙酉舉人歷任葉縣介休長山東鄉
四縣所至除豪猾擒巨寇興廢祛弊歷有政聲遷石州知州政治
益勵以鎮江府同知致仕

王朝珍字以聘甯州人嘉靖戊子舉人幼聰慧甘貧苦奉母入京
卒徒步扶柩歸三年不入私室服闋授保德知州與民興利除弊

秩滿陞藩府左長史

劉 文字道顯慶陽人本衛指揮使承父職即求出塞時安定邊牆久壞與賊逼處文初守安邊屢有斬獲雖三謫千戶而旋復本職尋陞固原守備甯夏遊擊未赴任改固原參將歷陞涼州副將固原總兵官諸將晨謁畢以次退召將吏計事臧否咸納及受策惟某人獨知功成悉推將佐會以裨將功次不明被劾回籍未幾巡撫張珩與勘使某彙奏鎮守延綏改甘肅挂印鎮守時軍政久廢文訓作有法士心思奮軍聲立振疾革西人哭之各立祠歲時酬祭謚武襄

呂 顯字幼誠經子學問宏博器識老成嘉靖十七年進士諳練明達歷陞南京刑部郎中襄陽知府理繁剖劇隨機應變致仕歸著書見藝文目錄弟順歲貢

甘肅新通志

卷六十八

人物志 羣材三

三

黃 正慶陽衛人襲都指揮使父澤以勇幹著聞正少時已熟諳韜略人謂其有父風陞靈州備禦都司值甯夏寘鐻作亂潛謀刻日渡河正先機收斂渡船屯兵據守賊聞之大驚不敢輕動先事豫防之速正實與有功焉陞都督僉事

左 桂字立卿甯州人嘉靖二十二年舉人除胙城令胙稱難治桂至捐緡役寬獄訟明法勅罰權豪屏息擢御史巡視西城奏大本厰失火中官悉置於法又上封事如弭災變謹修省侃侃皆大計按山西鹽法會河東地震破格發帑賑災以繼母憂歸悉以遺業讓諸昆弟

曷世學字道傳甯州人嘉靖庚子舉人授邛州知州政尚嚴明賢聲四達監司獎其理劇濟艱折獄辨疑尋以憂歸服闋除岢嵐令節用愛民堅確持久綱紀丕振視功尤加意以諗惡者誣浩然歸

家

周斯盛字子才甯州人嘉靖癸丑進士歷官御史巡按遼東土寇犯廣甯身先士卒戰守六晝夜卒保無虞巡按浙江論列巨蠹罷斥貪墨吏治一清督學南畿簡拔英才抑絕奔競風教翕然歷守嵐副使

楊蛟字巨嶠安化人嘉靖三十二年進士操行方潔爲文宏辨後以主事權稅臨清革去一切陋規省民數萬金吏民戴之

楊和慶陽衛人祖父俱牧定邊營定邊與敵鄰近營卒夙號勁兵和以忠義自矢嘗有澄清沙漠之志遇敵重鎧躍馬捷若猿狖累陞指揮僉事屢建奇功會註選軍政掌政以寒賤輕之和含容不較益刻自樹立軍伍肅然尋陞環慶守備中衛參將

楊愈茂安化人嘉靖壬戌進士幼以博學稱仕至冀南秉憲歷官

甘肅新通志

卷六十八

人物志 羣材三

三

七任潔清自勵鄉國交相推重焉

武成字蘇庵甯州人嘉靖甲子舉人官山西太平縣調北直盧龍縣薦卓異陞山東膠州知州墾荒五百頃議復海運格陋悍清羣匿政著齊魯擢理運河兗州府同知遷肅藩長史卒祀太平名宦

趙鳳甯州人邃然理學步趨惟謹即大雨亦雍雍而前尤精天文著書見藝文目錄

王澤恩字月川甯州人隆慶丁卯舉人授樂安知縣陞四川軍民通府值倭寇警畫策禦之致仕歸

毛鵬字德涵甯州人貢生任霍州同知天性孝友子史博通以疾致仕家居四十餘年

徐河字文庵甯州人貢生性直行方孝友聞於鄉黨授四川雲

陽縣佐市月歸真急流勇退者第洛字範庵庠生有善行

呂維幾字惺字甯州人貢生授訓導孝事繼母工書畫擅諸家之
長今得其墨蹟者寶如拱璧

呂維誠字念谷甯州貢生蓋屋訓導嫻詩文工八法持身居家教
士接物有賢豪長者風

高 經真甯人貢生資稟俊秀文章典雅尤工詩古文詞
楊載甯真甯人貢生文章名著三秦其弟載容與之齊名

曹 昉安化人隆慶戊辰進士官主事幼孝友篤學時昆弟三人
同榜

閻應儒字一庵甯州人隆慶庚午舉人性至孝幼家貧茹苦攻惟
初署山西孟縣教諭陞徐溝知縣調湖廣沔陽州同知擢雲南廣

西府通判所至皆有令譽時滇峒苗爲祟出奇制之克就底平致
甘肅新通志 卷六十八 人物志 羣材三 三

仕歸闕里人恤族屬捐資創建文昌閣於邑東郭人文蔚起沒之
日市巷無不震哭

閻 勵字健庵應儒從弟同登隆慶庚午科舉人授山西絳縣與
鄰縣爭地致罷民感之負戴送歸

李 楨字克庵慶陽人隆慶辛未進士累官至尙書爲諸生時讀
書樓上三年不出戶庭鄉試卷真草不塗一字其養定如此筮仕

後政事簡易與物無忤立朝著節爲世所仰重

鞏如山真甯人貢生有品望鄉賢國柱邦清皆出其門
路自履真甯人貢生任清澗縣教諭才學兼優著作甚富

鞏國家字甯字真甯人副貢生幼擅文譽讀書日輒數行下中副
車四次工詩賦所著詩集流播關中著書見藝文目錄
邵崇雅字太冲甯州人萬曆辛卯舉人知四川雅瀘二州年十二

善屬文督學使奇之詢其家貧母孀特准補廩餼給母歲米且代聘名家女自微至仕孝親無閒言教子成名

王 汲真甯人以萬厯閒明經任山西靈邱知縣關西名彥冀北循良

李 桂字馥軒甯州人祖鉞蠡縣主簿桂丰姿秀偉年十六隨任京邸肅廟詔選駙馬桂中選以食少未就賜生員力學食餼萬厯二十九年貢授耀州訓導陞永壽王府教授年九十一卒

左司諫字行吾甯州人衡之孫萬厯甲午舉人授山西靜樂知縣孝友睦婣而服官節愛忠清修城有功膺賞金幣後致仕歸自諸生至宦成無二蒼頭有長者風

米萬鍾字友石安化人萬厯乙未進士累官太僕寺卿聰穎博雅尤善書畫名著一時後闡寺魏忠賢欲令書屏鍾聞之踰牆走終

甘肅新通志

卷六十八

人物志 羣材三

三

不與書忠賢黨倪文煥劾之遂削籍

趙立賢真甯人以萬厯三十年貢任浙江永康知縣調慶雲尋調武強三任俱以循良稱

崔 嵩慶陽人本衛指揮使厯官參將器宇豪邁膽勇過人申明軍法恩威並著敵常至城下索酒不許因邀嵩飲嵩單騎往與賊對酌慷慨議論如識生平賊畏服之竟嵩任未嘗一至選掌衛印未幾陞守備參將一日以百騎出遇賊千乃據高岡下馬解鞍坐卧以示暇逸賊疑有伏終不敢近仍與賊偶語復如舊識密令善射者矢洞其胸

魏 錕慶陽人精騎射從兄鎮宦厯邊方熟習邊事諳曉韜略比兄出塞錕常在左右指揮調度率部下精騎與賊戰賊射墮兄指錕引弓射中賊目應絃而倒賊眾驚潰後錕以軍功授指揮使厯

陞參將

魏 時銳子少年英邁襲父指揮使職不踰年陞環慶守備歷陞固原鎮守旋陞甯夏副總兵屹然有大將度固原諸將無不推讓以爲劉武襄復生云

王守貴字前峰甯州人偉曾孫以歲貢授醴泉訓導陞山西廣陵知縣性孝友諸生時家無厚儲悉出所有以營翰林石坊後他坊俱廢獨此巋然居鄉跬步不苟勇於公義如讓財施藥排難濟危捐資修學在在樂爲其訓多士惟諄諄以孝弟爲事復有政聲孫宏翼舉於鄉

姚汝言甯州人光祿署丞性剛正宦豎不敢干以私陞通判催征有法再調辰州疏懇休致

王時雍字堯民甯州人廷用之子貢生授日照縣丞善於爲政捕蝗賑饑省費戢寇足衛糧辦民冤致仕歸家安靜自守恤貧敬賢年八十卒

甘肅新通志

卷六十八

人物志 羣材三

三

鞏 焞字育爐真甯人崇禎辛未進士任河南荥縣知縣課士惠民調安陽縣有能聲兩邑俱建生祠陞禮部主事郎中擢河南分巡參議以軍政加參政丁艱歸癸未起河南督學兼右參政武可望字伯燮甯州人少從黃葵陽游詩文翰墨名譽日起授金華訓導

徐陞高字循吾甯州人貢生廉介端方友愛昆季授靖虜衛訓導尋擢四川鹽井衛教授未幾歸弟陞聞字命吾以薦授七品冠帶倜儻卓犖有俠氣

周逢吉甯州人達之子雄縣縣丞佐縣署縣咸守官箴養馬俵馬不開物議

左廷璋甯州人由吏授應州吏目陞大邑主簿時倭酋犯順假節進勦以功遷交河知縣

左廷瑞璋弟由吏任新繁典史署縣竹縣篆清介自守平賊褒獎人名宦祠

左 衡廷璋之子賦性溫良鄉評推重授沁州吏目署武鄉沁源兩縣惠政俱有聲

李問學安化人由吏任通州衛經歷時邑人封臣奏疏通鹽法問學與有力焉

郭自省甯州人由吏任屯留典史督修甄城陞本縣主簿士民詩謠訟之立去思碑

國朝曾希冬慶陽人故明驍將也 國初委防慶陽時屢經兵燹民窮多盜兵僅百餘戰無不勝殺賊帥三十三人賀宏器圍城率兵奮

甘肅新通志

卷六十八

人物志 羣材三

无

擊復七堡斬七千四百餘級以功陞河州游擊誅叛首闖塌天破番族累立奇功陞山東青州府參將授拖沙喇哈番附慶陽衛中所千戶

齊 陞慶陽人膂力絕倫由行伍歷任肅州副將時回賊密刺印率黨數十萬盤據河西關中大震陞從總制提兵征勦奮勇當先以功陞興安總兵挂漢羌將軍印約束部伍信賞必罰授拜他喇布勒哈番附慶陽衛指揮副僉事

胡 璋安化人少負奇氣不事生產 國初以軍功歷官廣西梧州協副將年六十餘以疾卒於官論功襲蔭遂寄籍梧州府

康調元安化人形貌雄偉膂力過人從軍得功康熙年間由行伍歷陞山西大同府總兵致仕歸後客游涇陽因 居焉

曹國印安化人由行伍任固原營千總署慶陽營守備征吳逆有

功康熙十一年奉文實授

張鵬飛字搏天安化人連中康熙丁卯庚午癸酉三科武舉初授四川黎州黎大所陞山東東昌府都司再陞湖廣荊門營游擊出征巴里坤八載遇陣中傷准回任養疴食總兵俸三月卒封 臣安化人任羅江縣尉初安化縣原起徵甯夏本色自改榆林折色財力困敝臣力奏復完甯夏本色民獲稍紓兼奏疏通鹽法多切利病奸商客販積弊頗除

張宗暎字慶人安化人父世聰鳳翔府訓導勤課諸子暎幼穎異日聽父兄誦言輒能記憶弱冠六經子史即靡不卒業補博士弟子員學使極口稱之爲文汪洋恣肆不屑凡近會友人自成均歸遺朱子近思錄及真西山大學衍義遂克自砥勵動止語默皆中規矩視青紫如菅蒯然兄宗昂以選拔出宰楚中屢以書互相戒

甘肅新通志

卷六十八

人物志 羣材三

三

勉獲資即購置經籍他無所好未幾卒於鳳翔邸舍

賀世績安化人由行伍以軍功授慶陽左營千總陞四川重慶府守備

高希賢字勉齋安化人道光乙未進士授四川鹽源縣知縣四川土俗訂婚聘禮過重鹽源尤甚有以二三百金爲禮者以故貧多不能及時嫁娶處子有白首待字之慨希賢抵任以古禮勸諭士民翕然從風惡習遂革縣人呼爲高青天

韓振五字子常安化人素有膽略明大義同治中有防營武弁秦登懷駐郡城與幕友何鳳墀大肆拷索郡民富者百無一生振五族人某闔家受慘死城陷振五逃至西安約各主具狀赴控陝撫某登懷與鳳墀俱伏法郡人義之

惠登甲字蓮塘安化人同治初回變避亂關中境奇窮誦讀不輟

中己巳補行鄉試舉人光緒丙子成進士歷任廣東海陽番禺龍
縣令暨陽江同知南雄直隸州知州類多仁政尤善於捕盜任南
雄時有大盜官某招集流亡三千餘眾欲謀不軌民心惶恐登甲
不動聲色捐廉募勇擒獲巨憝十餘名而羣盜解散又懸賞數百
金購獲盜首官某傳首犯事地方黎民安堵遂謂其子曰此輩皆
赤子耳特飢寒所迫故敢輕於犯法爲民父母不知預爲教養待
其犯科置之重辟是不赦而殺謂之虐也遂改官陝西知府到省
未幾尋卒

陶 璞合水人幼以孝聞親沒廬墓負土築冢三年未嘗少息由
歲貢歷莊浪鳳沔三學博巡按御史某薦其材簡貳蒲圻時方有
軍務委璞督鑲璞更長運爲短運按地遞輸由是民不勞而糧易
至運道濱河步稍急即墜死璞柵木梁人得不墜會大疫軍中死
政歸民歌而送之

甘肅新通志

卷六十八

人物志 羣材三

三

者甚衆璞白於將帥某假營卒數千人於腥穢中坎瘞死尸後致
張鳳翎字重華環縣人崇禎六年舉人 國初除長沙府推官獄
多平反

韓興原環縣鄉賢璠族姪由行伍起家歷官浙江太湖營游擊遷
參將擢署瑞安營副將興原膂力過人善騎射水陸戰守皆得要
領自行閒至將帥皆深得兵士心大吏器重之

羅鵬元字靈川環縣人勇力絕倫尤精射法矢必貫札協鎮南某
器重之討賊有功條上其狀歷陞湖廣漢陽都司卒於官

鞏爾盤字石公正甯人副貢有文譽美丰姿六經子史靡不究覽
尤工詩古文著書見藝文目錄

鞏 燿字少潛正甯人拔貢任山東德州州判性嗜古每公退不

廢吟哦晚年尤篤於學著書見藝文目錄

姚用其字鍾華正甯人貢生有才名尤究心內典合肥許孫荃奇其才呼爲詩友與雷介庵輩子丹齊名著書見藝文目錄

鞏我燕正甯人拔貢性敏好學下帷雲寂寺者廿餘年望重一時著書見藝文目錄

鞏我曠字子丹正甯人性豪放喜歌詩縱飲遨遊幾遍海內所至題詠士大夫多傳寫之與庶常張曾慶編修李因篤最善因篤嘗曰海內可與談風雅者惟我曠而已尤精堪輿吳楚閒多駐蹟焉著書見藝文目錄

仇 佺字偃仙正甯人康熙庚子舉人博洽能文落筆數千言不假思索著書見藝文目錄

鞏我造字子矯正甯人康熙丙午舉人幼聰敏讀書數行下尤工

甘肅新通志

卷六十八

人物志

羣材三

三

詩其聽簫句有云彩霞深院花開處明月高樓鶴去時又關山燈下歎羈臣江浦舟中泣嫠婦等句聞櫓詩云城門朝開路臨水人語煙中近魚市誰搖飛櫓入蒼茫帶夢驚鳧柳邊起云云頗爲一時所賞

范錫篆字金章正甯人雍正甲辰舉人做秀才時舉止端方文行兼優邑令俞某贈端方匾額庚戌考列明通左都御史謝某保舉國子監學正一時歎爲斯文領袖乾隆六年與修傳說諸經及廿一史尋擢助教

王 甸字禹服正甯人性沖淡喜讀書舉止端凝風度高雅每教授生徒時必先正心誠意之學以故多所成就凡詩古文詞下筆立就人爭傳誦之

雷 和正甯人貢生麟遊教諭手不釋卷善屬文尤喜爲詩寒甍

兀坐吟詠不輟未嘗偶倦著書見藝文目錄

石攻玉字伯可正甯人乾隆己未進士家貧纒水負薪必挾册吟哦所爲文半皆得於林巖溪谷之間任蘭州教授於士子多所甄陶大吏薦其材官未得遷卒著書見藝文目錄

鞏 侃貢生有學行始習舉子業不售遂專意聖賢誠正之學老而益勤家貧糴食不繼怡如也臨終水漿不入口猶諄諄爲人說孝弟廉恥事

姬翰章字爾文正甯人性穎異三歲失明爲兒時即好聽讀書聲弱冠聞三水文氏講河洛之學攜杖往受學焉文奇之口授以性理及所著書若干卷輒通曉無遺義由是殫力經術通四書孝經尤邃於易嘗語人曰吾克已處較易諸公以物引差輕耳著有語錄散佚無存

甘肅新通志

卷六十八

人物志 羣材三

三

趙益重字舉六正甯人拔貢肆力古學家貧館於涇所爲詩古文辭多出其閒每脫稿士爭傳誦之

鞏帝疆字慎封正甯人拔貢有夙慧讀書過目成誦少時人號曰神童既長材益淹貫所爲古文詩賦諸體無不工著書見藝文目錄

王嗣齡字公定甯州人康熙二十六年歲貢高才博學名重一時呂圭璧字君重甯州人庠生經五世孫值王輔臣亂盜賊蜂起慶陽一郡從風而靡圭璧率衆守棗社鎮歃血共盟誓以死殉賊攻多日百計防禦堅莫能下遙投守備以旌其忠

卜從善甯州人本姓薄從征河南累建奇功歷陞督府加太子太保總鎮江南子世隆湖廣寶慶府副將

于 立字旭齋甯州人乾隆乙酉拔貢由 武英殿校錄官湖北

監利縣丞嘉慶中教匪猖獗荊州戒嚴軍中需餉孔急荊州應解銀十萬員弁咸畏縮不前立時年六十奮然請行事卒後因病乞休邑中士民作序頌教澤政績甚夥工書年七十八猶日作字不懈

劉奕煜字黎軒甯州人嘉慶辛酉進士選翰林院庶吉士官河南江西道監察御史巡視中城南城陞戶科掌印給事中居官守正不阿

于象謙字吉六立子官湖南澂浦知縣果敢善斷髮逆石達開犯辰沅百姓騷動象謙糾會民團數萬分據要害賊不敢近後告病縣民如失怙恃未幾毛藩司憚強起之使代理龍陽其地濱洞庭湖隄久未修民苦水患象謙立修之民利賴焉遂補龍陽嗣請假回籍回亂避難陝西光緒元年總督左宗棠督辦新疆軍務派象

甘肅新通志

卷六十八

人物志 羣材三

三

謙收發總局用銀數百千萬絲毫不染指歸時僅老馬一匹宗棠稱之曰循吏告歸後布衣蔬食晏如也有子五邵生員邵祁廩生鄜舉人知縣郊山西通判

栗承祐甯州人 恩貢生同治元年舉 制科孝廉方正同治中回亂避難西安賊平州牧楊鶴齡聞其賢能特請回籍委辦善後事宜凡招亡開墾重建祠廟官廨倉廩及採訪殉難忠烈諸要政承祐悉任勞任怨百廢俱興楊鶴齡屢欲爲請議敘堅辭不受後教崇德鄉塾來學者不遠百里成就甚多

張搢笏字玉峰甯州人由拔貢中副車領鄉薦大挑四川知縣署南充縣事多善政年餘以勞卒於官百姓巷哭爲立廟祀之初搢笏父封翁任西安城守千總年老無嗣置妾婦初至涕泣不食封翁問故婦曰妾夫無賴鬻妾以償賭債且有乳兒是以悲耳封翁

惻然令妻伴宿詰朝召媒妁本夫遣歸立焚其券時封翁妻年已五十餘未幾生子即指笏也人咸謂陰騭之報云

甘肅新通志

卷六十八

人物志

羣材三

三

甯夏府

晉傳 瑗司隸校尉咸之孫也以學業知名官至安定太守

南北朝宋傳 迪字長猷晉安定太守瑗之子瑗與郗超善超嘗造瑗見二子迪及亮亮年四五歲超令人解亮衣使左右持去初無吝色超謂瑗曰卿小兒才名位宦當遠踰於兄然保家傳祚終在大者亮方貴迪每深誠之

傳 亮字季友迪之弟博涉經史尤善文辭義熙中累遷中書黃門侍郎宋國初建除侍中加中書令永初元年以佐命功封建城縣公入直中書省專典詔命太祖登阼加散騎常侍開府儀同三司

傳 隆字伯祚北地靈州人少孤有學行不好交游年四十始爲建威參軍累遷尚書左丞徙太子率更令元嘉初爲御史中丞甚

甘肅新通志

卷六十八

人物志 羣材三

美

得司直體轉司徒右長史出爲義興太守有能名尋轉太常太祖以新撰禮論付隆使更下意隆因表上五十二事明年致仕歸拜光祿大夫手不釋卷博學多通特精三禮

齊傳 琰字季珪北地靈州人父僧祐山陰令有能名琰美姿容仕宋爲武康令遷山陰令又著能名賜爵新亭侯元徽初遷尚書左丞母喪鄰家失火延燒琰屋抱柩不動鄰人競來赴救乃得兩全琰股髀之間已被烟焰齊高帝輔政以山陰獄訟煩積復以琰爲山陰令有賣鍼賣鏹老姥爭團絲來詣琰琰掛團絲於柱鞭之密視有鐵屑乃罰賣鏹者又二野父爭雞琰各問何以食雞一人云粟一人云豆乃破雞得粟罪言豆者縣內稱神明無敢爲偷琰父子並著奇績時云諸傳有理縣譜昇明中遷益州刺史

梁傳 翽琰子爲官亦有能名後爲吳令別建康令孫廉廉因而問

曰聞丈人發奸摘伏惠化如神何以至此答曰無他也惟勤而清
清則憲綱自行勤則事無不理憲綱自行則吏不能欺事自理則
物無疑滯欲不理得乎後代劉元明爲山陰令問元明日願以舊
政告新令尹答曰我有奇術卿家譜所不載臨別當相示既而曰
作縣令惟日食一升飯而莫飲酒此第一策也天監中爲建康令
復有能名

梁傅 昭字茂遠咸七世孫也十一歲隨外祖爲雍州刺史袁顓客
顓嘗造昭所昭讀書自若神色不改顓歎曰此兒神情不凡必成
佳器丹陽尹袁粲禮辟爲郡主簿使諸子從昭受學尋爲聰明學
士累遷尚書左丞梁武帝以爲給事黃門侍郎領著作兼御史中
承歷位左戶尚書安成內史郡自宋來兵亂相接府舍稱凶每昏
旦聞人鬼相觸及昭爲內史有人夜見甲兵出曰傅公善人不可

甘肅新通志

卷六十八

人物志 羣材三

三

侵犯乃騰而去有頃風雨總至飄郡廳事入隍中自是郡遂無患
咸以昭正直所致郡多猛獸嘗設檻穿昭命去之獸竟不爲害遷
臨海太守郡有蜜巖與百姓共之縣令餉粟置絹於下笑而還之
入爲散騎常侍光祿大夫昭所蒞官常以清靜爲政不尙嚴肅居
朝無所請謁不交私利終日端居以書爲樂雖老不衰博極古今
世稱爲學府卒諡曰貞

傅 映字徽遠昭弟三歲而孤兄弟友睦修身勵行非禮不動始
昭之守臨海陸倕餞之日昏不返映以昭年高不可極樂自往迎
候同乘而歸兄弟並已斑白時人美焉及昭卒映喪之如父年踰
七十哀戚過禮映有文才而不以篇什自命後爲武康令累遷光
祿卿大中大夫

傅 岐字景平颺子美容止博涉能占對豫州刺史貞陽侯蕭淵

明率眾伐彭城兵敗陷遣使還述魏人欲更通和好勅有司及近臣定議朱异曰和爲便議者並然之岐獨曰此必是設開故令貞陽遣使俾侯景自疑不可許高祖從异議侯景果疑舉兵反復通表乞割江右四川當解圍勅許之景求遣宣城王出送岐固執宣城嫡嗣之重不可許遣石城公太款送之及與景盟訖城中文武喜躍望得解圍岐獨曰此和終爲賊所詐眾並怒怪之及景背盟莫不歎服尋有詔以岐勤勞封南豐縣侯不受官城失守岐帶疾出國卒

陳宿 石朔方人赫連屈丐弟文陳之曾孫也父沓干從世祖討蠕蠕戰沒石年十三襲爵從於苑中游獵石走馬引前道馬倒殞絕久之乃蘇由是御馬得制高宗嘉之賜以綿帛駿馬又嘗從獵高宗親欲射猛獸石叩馬諫引帝至高原上後猛獸騰躍殺人帝褒

甘肅新通志

卷六十八

人物志 羣材三

三

美其忠賜馬一匹向上谷公主拜駙馬尉位吏部尙書進爵太山公卒子倪襲爵

傅 緯字宜事北地靈州人幼聰敏七歲誦古詩賦至十餘萬言長好學能文依湘州刺史蕭循得博通羣書後主即位遷祕書監右衛將軍兼中書通事舍人掌詔誥緯爲文典麗性又敏速雖軍國大事下筆輒成未嘗起草甚爲後主所重然性強頗負才使氣陵侮人物朝士多銜之會施文慶沈客卿以佞見幸專制衡軸而緯益疏文慶等因共譖之後主收緯下獄緯素剛因憤恚於獄中上書後主怒頃之稍解使謂曰我欲赦卿卿能改過不緯對曰臣心如面面可改則臣心可改後主益怒賜死

隋李 徹字廣達朔方巖綠人性剛毅有器幹偉容止多武藝周武帝時從討吐谷渾賜爵同昌縣男從拔晉州與齊王憲屯雞栖原

齊遣驍將率勁騎躡憲戰於晉州城北憲敗徹力戰憲軍獲全復從帝破齊師於汾北乘勝下高壁拔晉陽宣帝即位從章孝實略定淮南每爲先鋒淮南平授淮州刺史安集初附甚得歡心隋高祖受禪進爵齊安郡公明年沙鉢略率兵犯塞上令衛王爽爲元帥以徹爲長史遇虜於白道徹率精騎五千大破之沙鉢略潛遁以功加上大將軍沙鉢略由此稱藩其後徹復擊突厥於塞上破之左僕射高頴之得罪也以徹素與頴善因被疏忌不復任使

史 祥字世休朔方人少有文武才幹隋高祖踐祚拜祥儀同領交州事頗有惠政轉驃騎將軍從王世積伐陳破之進拔江州後以行軍總管從晉王廣擊突厥於靈武破之遷右衛將軍仁壽中率兵屯宏化以備敵煬帝初漢王諒作亂帝以祥爲行軍總管軍於河陰令軍中修攻具簡精銳於下流潛渡討綦良等良衆潰祥

甘肅新通志

卷六十八

人物志

羣材三

三

縱兵乘之殺萬餘人進位上大將軍轉太僕卿尋遷鴻臚卿從征吐谷渾祥率衆出閒道擊破之拜左騎衛將軍兄雲字世高官至萊州刺史武平縣公弟威字世武官至武賁郎將武當縣公宇文忻字仲樂朔方人從周武帝平齊進位大將軍佐高頴破尉遲迥加上柱國封英國公忻少解兵法馭戎齊整當時大軍有一善事雖非忻所建在下輒相謂曰此必英公法也

唐韓游瓌靈州靈武人始爲郭子儀裨將安祿山反赴難功第一李懷光反誘游瓌爲變游瓌自發其書帝曰卿可謂忠義矣功與渾瑊齊累拜右龍虎統軍卒諡曰襄

楊懷賓朔方人爲韓游瓌將李懷光反懷賓殺賊黨張昕反同謀者告行在德宗勞問授御史中丞

楊朝晟字叔明夏州朔方人興元開歷官邠甯節度使朝晟

方渠合道木波以遇吐蕃路詔問須兵幾何報曰部兵可辦帝問
節曰城五原興師七萬今何易耶對曰鹽川之役虜先知之今薄
戎而城虜料王師不十萬勢難輕入若發部兵十日至塞下未三
旬城畢積芻聚糧留卒守之寇至不可拔萊野翦夷虜且走此萬
全計也若大發兵閱月乃至虜亦來來必戰戰則不暇城矣帝納
其策師次方渠水乏有青蛇降險下走視其跡水從而流朝晟使
築防環之遂爲淳淵士飲仰足圖其事以聞有詔置祠命泉曰應
聖已城虜衆至度不能害乃引去

康日知靈州人少事李惟岳擢趙州刺史惟岳叛日知與別駕李
濯及步將百人共盟固州自歸惟岳怒遣先鋒兵馬使王武俊攻
之日知使客說武俊引兵還斬惟岳以獻德宗美其謀擢爲深趙
觀察使會武俊拒命遣將攻趙州日知破之上俾京師徒奉誠軍

甘肅新通志

卷六十八

人物志 羣材三

四

節度使又徙晉絳加檢校尚書左僕射封會稽郡王卒贈太子太
師子志睦以功進平盧節度使加檢校尚書左僕射封會稽郡公
承訓亦以功封會稽郡男

何進滔靈武人少客魏事田宏正宏正攻王承宗承宗使健將引
精騎千馳魏壁進滔率猛士逐之幾獲從討李師道以功兼侍御
史史憲誠死軍中傳諱曰得何公事之軍安矣進滔下令曰公等
既迫我當聽我令衆唯唯執殺前使及監軍者凡斬九十餘人釋
脅從者素服臨哭將吏皆入弔詔拜留後俄進授節度使居魏十
餘年民安之進檢校司徒同中書門下平章事卒贈太傅諡曰定
史敬奉靈州人事朔方軍爲牙將元和中吐蕃數犯塞敬奉白節
度使杜叔良請兵三千齎一月糧深入虜地分賊勢乃由間道燒
出虜後大破之驅其餘衆於瓠蘆河獲馬牛雜畜追萬數敬奉走

逐奔馬挾鞍勒以上而後羈帶之矛矢在手前無強敵甥姪部曲二百人每出輒分其隊爲四五隨水草數日不相知及相遇已皆有獲

宋周永清字肅之世家靈州州陷於夏祖美歸京師永清以廕從仕宰相龐籍薦其忠勇加閤門祇候押時服賜夏國至宥州夏人受賜不跪詰之恐而跪歷渭川鈐轄渭兵勁而陣伍不講永清訓以李靖法率蔡挺上其圖以令諸軍知德順軍夏衆入寇擒其酋呂效忠募勇士夜襲夏帳斬三百級俘數千人獲駝馬甲器萬計並砦禁地三百里盜耕不可禁永清拓籍數千頃置射士二千聲聞敵廷降者引入帳下待之不疑多得其死力威名甚著擢涇原路鈐轄知涇州

甘肅新通志

卷六十八

人物志 羣材三

聖

通五經爲番漢敎授後官至其國之中書宰相著書見藝文目錄元李 徵字幹臣西夏國族子金末以經童中選旣長入爲質子以文學得近侍元太宗嘉之及下河南諸郡兵傷歲凶人民流散賑恤飢寒歸者如市十三年師圍壽春久雨不止言於察罕曰城久拒命破必屠之生靈何辜請身往招之遂單騎入曉以利害明日與其將率衆來降以功賜銀五千兩後累官襄陽軍馬萬戶

來阿八赤甯夏人至元七年南征襄樊赤督軍器械糧儲運二日而畢世祖悅後發兵開運河督視寒暑不輟調遼左招討使招來降附上征交趾俾領中衛親軍千人翊導皇子至思明州賊阻險拒守赤選精銳與賊戰於女兒關斬馘萬計餘兵棄關走大兵進至交州陳日烜空其城而遁

拜 延河西人襲父火奪都千戶職宋師侵成都四川僉省嚴忠

範遣拜延迎擊大破之又從攻嘉定瀘敘重慶數有戰功總帥汪田哥用兵忠州命延將兵往涪州策應宋人以舟師邀於青江拜延領兵馳赴擒其部將十七人瀘州復叛拜延領兵趨瀘州敗其將遂克瀘州行院副使卜花進兵圍重慶遣拜延將兵降之制授宣武將軍蒙古漢軍總管

李恆字德卿唐末賜姓李世爲西夏人恆生有異質世祖時累加爲益都淄萊萬戶從取宋襄陽江西及崖山平累官中書左丞後從皇子征交趾中毒矢卒諡武愍追封滕國公

常八斤夏人以治弓見知乃說於耶律楚材曰本朝尙武而明公欲以文進不已左乎楚材曰且治弓尙須弓匠豈治天下不用治天下匠耶

楊不花甯夏鄉賢朶兒只子幼有才氣能以禮自持好讀書仁宗

甘肅新通志

卷六十八

人物志 羣材三

聖

欲以爲翰林直學士力辭後補武備司提點轉僉河東廉訪司事嘗出按部民有殺子以誣怨者獄成不花讞之得其情平反出之河東民饑先捐已貲以賑請未得命即發公廩繼之民賴以不死文宗立除通政院判將行值陝西諸軍拒詔不花率衆出禦陣潰見殺二僕亦見執曰吾主旣爲國死吾縱得生何以見主於地下皆被殺至順二年贈不花禮部尙書

喜同周姓河西人調達魯花赤居二歲妖賊陷鄧州南陽無城及兵賊入若虛邑同以計獲數賊斬之賊乘銳取南陽同策勵義兵與戰賊退去明日復至與戰甚力殺賊凡數百賊知無後援戰愈急南陽遂陷同突圍見殺妻邢氏聞同死率家僮數人出走遇賊奪刃斫之且罵且前亦見殺

邁里古思字善卿甯夏人至正十四年進士授紹興路錄事司達

魯花赤苗軍在杭者縱鈔掠有至紹興強奪人馬者邁里古思擒斬數人苗軍不敢至其境聲名大振平處州山賊擢江東廉訪司經歷仍留紹興時浙東西郡縣多殘破獨邁里古思保障紹興境內晏然民愛之如父母會方國珍遣兵侵據紹興邁里古思欲率兵問罪而御史大夫拜住哥與國珍素通賄賂憤邁里古思擅舉兵使人召之私第命左右以鐵鎚搥死之斷其頭擲廁中城中民間之男女老幼無不慟哭者部將黃中乃率其眾復讎盡殺拜住哥家人拜住哥後爲御史真童所糾削官安置湖州邁里古思冤始白

亦憐真班西夏人性剛正動有禮法仁宗時爲翰林侍讀學士至正六年拜御史大夫盡選中外廉能之官置諸風憲一時號爲得人遷宣政院使出爲甘肅行省平章政事弭西羌之寇民賴以安

甘肅新通志

卷六

人物志 羣材三

三

立石頌之歷官銀青光祿大夫知樞密院事卒追封齊王謚忠獻明徐琦字良玉甯夏人永樂十二年進士歷官兵部尙書兩使安南餽遺一無所受以不辱命著正統初災異累見條陳弭災十事後又請軍衛地悉照府縣立學校居官務持大體力學通經人品純正今學宮東偏稱爲講院即其講學處也卒贈太子太保謚貞襄

朱孟德甯夏人翰林院庶吉士善詩文人以太白稱之

張泰甯夏人正統閒以都督同知鎮守甯夏凡關候之設營陣之法兵車火礮之制皆出其謀畫自束髮用兵累建邊功從無挫衄卒後卹贈

常泰甯夏人受學薛瑄明性理之學任定州學正以正學教誨士人及卒貧不能歸諸生留葬於定州

程景雲甯夏人景泰五年進士游鄉校時即有重望家貧憲臣咸
餽之不受清操凜然及爲御史有風裁直聲大振

仇 廉甯夏人景泰間以指揮使充副總兵協守甯夏時值也先
以萬騎攻城旬日不解廉以忠義固結人心竭力守禦敵遂引去
城賴以全後歿於戰

任 信甯夏人前衛指揮製兵車督教演衆稱其長

張嘉謨字舜卿甯夏人宏治十五年進士授兵部主事釐剔宿弊
盜起山東侍郎陸完督軍嘉謨獻議謂當出奇以遏其鋒審勢以
奪其氣若徒尾其後是驅賊以自戕也賊犯濰縣陸以偏師屬之
賊易之不爲意乘其怠即夕掩擊大破賊斬首二千級賊平陸車
駕司員外郎詔起兵部尙書彭澤征蜀寇疏請與行乃告澤曰蜀
地險阻用兵爲難公若分兵屬謨由漢中取道以入夔峽公以大
兵取重慶交感之則成擒矣澤深然其策後卒成功陞山東兵備
僉事以禁礦忤藩邸罷平生好書學隸篆行草各得其妙詩文敏
捷自成一家著書見藝文目錄

馬 吳甯夏人本姓鄒字宗大由進士歷官右都御史吳長身驍
捷善騎射知兵事才氣能應變揮霍自喜累征寇盜所向有功具
見明史本傳

潘九齡甯夏人正德八年舉於鄉歷任四川右布政使清白著聲
平麻陽寇卻雲南沐國公餽金定其世爵時論歸焉

史 鏞甯夏人以右衛指揮同知值賓鑄變倡義率衆據河奪船
賊平以功充游擊將軍陞都督僉事歷鎮甘肅長於籌略猶善攻
守有良將風

楚 書字國寶甯夏人嘉靖二年進士初任兵部主事大同之變

書觀兵城下城中俱登陣請曰吾輩非殺主帥者亦無他志但畏死自保耳請書入城書諭慰之且言用兵非朝廷意眾皆望闕呼萬歲書陳朝廷威德曉以禍福令獻首惡賊平累陞右副都御史黃 綬甯夏人嘉靖八年進士風裁峻整名重朝紳督學北直隸巡按山東士仰民懷清白之聲大著嘉靖甲辰大學士翟鑾二子俱登第物議蠹起綬彈之有一鑿當道雙鳳齊鳴之句其不避權勢如此

周 鏞字蒲溪靈州人歲貢初任山西平定州訓導陞靈州所教諭篤學窮理兩任司鐸恆以道德與諸生相長都給事中俞鑾出其門

楊 經平羅人操行純潔居官清勤嘉靖閒夏郡多故奉母遷固原旋卜居長安以負郭田給綸縉二弟後疾卒濬縣

甘肅新通志

卷六十八

人物志 羣材三

畧

李廷彥甯夏人萬曆二年進士才品端方器識宏遠巡按雲南平羅寇叛爲大理奏活無辜巡撫周光鎬疏舉人才稱爲偉器

王 英甯夏人指揮同知萬曆壬辰呼劉之變爲賊所拘因密偵賊中事報軍門卒爲內應既殲羣凶撫軍疏薦之云身在賊旁志存國事招降用閒實賴之以周旋宗社士民多因之而保護較之斬獲軍功不啻倍之

蘇 彙中衛生員呼拜之亂倡義守城遏賊河上保全靈州時同事者掌印指揮李繼先學正馬文明武進士盧養龍生員金佩等十五人事平奉旨勒石紀功

呂 經甯夏人右屯衛都指揮僉事陞陝西甘肅總兵官忠勤廉慎綏靖邊圉猶善撫士卒多得其死力焉

楊魁甲平羅人由翰林牧山西吉州循廉卓著立義學革舊稅建

普濟堂州人感其德嗣後請居蜀之眉州著書自娛
孟養龍靈州人崇禎元年恩貢工詩文尙氣節闖賊僞帥某率兵
攻城養龍糾眾捍禦靈州卒得保全甯夏道黎士宏撰墓誌詳載
其事著書見藝文目錄

馬世龍字蒼元甯夏人由世職舉武會試歷任宣府游擊三屯營
總兵官孫承宗出鎮薦授世龍府銜拜大將賜尙方劍敘功進左
都督尋謝病歸崇禎六年插漢虎墩兔合套寇犯甯夏總兵賀虎
臣戰歿詔起世龍代之世龍生長甯夏習其形勢爲大修戰備明
年二部入犯邀擊大破之踰月套寇犯賀蘭山世龍遣降丁潛入
其營斬其長撒兒甲黃台吉等半歲中斬二千餘級屢奏捷威名
震西塞敵退事平無何以疾卒於官論功贈太子太傅廕子世襲
錦衣僉事賜卹如制子獻圖負圖呈圖

甘肅新通志

卷六十八

人物志 羣材三

吳

夏之時甯夏人與鎮人何廷璋生員王懋等三十人閉南關之北
門計飲僞千總馮佐等以酒醉而殺之遣衷朝縋城趨報官軍遂
入南關

國朝劉芳名字孝五甯夏人順治二年任甯夏總兵平固原叛將武大
定三年秦州賊賀珍王元馬德作亂芳名先後擒斬之四年招降
香山諸寇散其餘黨地方以安十六年加左都督領兵征海寇時
賊犯崇明芳名同提督梁化鳳擊之奪船拔幟擒獲僞將以疾歿
於軍 贈太子太保諡忠肅

劉芳猷字巨卿芳名兄仕爲山西潞安丞被誣罷歸工詩古文著
書見藝文目錄

馬甯甯夏人順治初從總兵劉芳名擒王元馬德有功又以恢
復河州莊浪功授督標中軍副將征勦番回功最著陞四川總兵

克取川雲駐防緬甸平水西殲餘氛於交趾功又最著陞湖廣提督

呂維熊字子祥甯夏人之蔭之子明崇禎壬午舉於鄉闈賊僞官陳之龍牛成虎挾送陝西賊所熊半途隱匿入國朝順治丙戌中副進士由國子監助教歷官刑部雲南司郎中山西汾州府知府居官清正不事干謁解組歸里年甫四旬有七壽至八十三而卒謚授中憲大夫

杜茂虎字鎮南甯夏人順治初以計平蒙古刀兒計又討海寇隨征朱龍倪五并有功累官花馬池副將

趙宏燦字天英甯夏鄉賢良棟長子良棟下四川時燦奉使至軍前授甯夏總兵官隨進討川雲取建昌撫永甯平定滇黔歷川北正定總兵轉贛州黃巖康熙三十八年陞浙江提督四十二年調

甘肅新通志

卷六十八

人物志 羣材三

七

廣東提督四十六年以兵部侍郎副都御史總督兩廣陞兵部尚書卒謚敏恪

許士奇字興武甯夏人由行伍歷任西甯中軍游擊時西番倡逆西甯被圍人情洶洶士奇以忠義鼓勵士卒晝則血戰堵截夜則刁斗親巡又揚言援兵即至以安人心西甯賴以無事特授江南甯國參將陞浙江象山副將又賜御書忠貞可嘉匾

馮德昌甯夏人由征雲南吳逆軍功歷任瓜州懷慶榆林甯夏四鎮總兵官功加九等左都督世襲拖沙喇哈番

陸進忠甯夏人由行伍隨趙良棟征剿四川雲南貴州以功授都督僉事陞雲南曲尋總兵官宣威布化政聲甚著

吳坤甯夏人應募從征以恢復雲南功授守備歷貴州鎮遠副將攻紅苗拔天心寨陞永北鎮總兵未幾領鑲白旗副都統統師

征西川苗凱旋加議政大臣又統兵征澤旺年八十致仕卒於家
沈鴻儒甯夏人康熙己酉拔貢任雲南石谷井鹽大使悉罷井戶
供支并捐俸立龍泉書院親爲督課井學文風漸起有登科者土
庶後爲立石以誌不忘

吳開圻字玉圖坤姪康熙戊辰武探花歷官雲南元江副總兵擒
大嵐山張廿一白龍敵譚八以謀略著好學工詩在侍衛常獻詩
應制多蒙褒賚

張燦甯夏人康熙己酉武舉性敏捷好讀書工詩善射嫻韜略
補本鎮千總擢守備以保薦特授侍衛除浙江處州游擊又調
勇健營游擊領兵出征巴里坤有功

吳開增字式圖坤子由武舉歷官温州總兵官駐防北口外卒
賜祭葬增爲侍衛時父坤方被議待罪久不白增隨駕每叩頭

甘肅新通志

卷六十八

人物志 羣材三

哭

泣請以身代父罪嗚咽悲哀觀者咋舌稱其膽服其孝後坤竟得
赦還

張覲顏甯夏人康熙壬子拔貢德性溫良書法古勁以縣丞効力
從陳忠愍公福恢復花馬池等處議敘功加同知任平涼教諭

任重遠甯夏人康熙十八年隨趙良棟討吳逆入川破密樹關取
徽州復略陽重遠功居多十九年元旦浮馬渡江遂克成都入雲
南領前鋒血戰奪險攻關山象嶺大渡河凡三十餘城抵滇省拔
幟先登戰兩晝夜克復省城累官陞授廣東瓊州總兵在任六年
卒

張國樑甯夏人好勇略喜任事初從趙良棟入川平滇以功授游
擊銜甚爲良棟所倚重歷任湖廣襄陽鎮筮總兵三征紅苗草薶
禽獮不遺後患後陞雲南提督十餘年兵畏民懷洱海水溢捐金

督兵修濬民慶安瀾征西藏率師策應甚著方略卒謚勤果祀雲南名宦

張文煥字燦如甯夏人康熙辛未武狀元授二等侍衛任山西大同總兵進剿瓮井三戰皆捷以功陞提督署雲貴總督以目疾致仕卒於家

卜應奎甯夏人由行伍歷任雲南永順鎮總兵從大將軍進剿昭磨多有功年七十一致仕卒

岳咨甯夏人弱冠讀書有神童之目後棄文就武中康熙丙子武解元成進士選侍衛肆力於學以能詩名上嘗問侍衛內能詩者大總裁李紱以咨對即命進呈仕至梧州都司著書見藝

文目錄

馬會伯字樂聞明太子太傅世龍曾孫由庚辰武狀元累官永北

甘肅新通志

卷六十八

人物志 羣材三

完

鎮總兵官 特授四川巡撫調湖北巡撫加授兵部尙書總理西路軍需歿於口外祀名宦

馬見伯字衡文甯夏鄉賢際伯弟由武進士自請出征西塞勞績茂著累官太原天津總兵官上召見便殿曾跪講周易蒙賜

御書詩文匾對甚多平陽鎮署建樓恭貯武場試四書論武弁與祭文廟皆由見伯奏請始又請釐定各直省文廟樂器凡所建白識治體類如此後授固原提督統兵平藏回卒於軍祀名宦

馬覲伯字廣文際伯四弟由武進士選侍衛歷官殺虎協副將征澤旺有功陞大同總兵官復出征塞外駐防木城歿於軍

羅大虎甯夏人慷慨多武略隨趙良棟定雲南以功累陞參將大兵進剿噶爾旦糧道險阻大虎前後三運皆專達及凱旋以轉運

課最授川北鎮總兵時有白蓮教煽惑一方大虎一面具奏一面擒捕空其巢地方以安後致仕卒於家

謝王寵字賓于甯夏人幼孤貧好學冬月藉草讀書康熙壬午舉於鄉丙戌成進士選翰林院庶吉士尋告假回籍雍正元年特旨召見問所讀何書寵以性理對即命講太極圖說上大喜隨補山西雁平道訪求利病善政纍纍戊申春補光祿寺少卿四月陞翰林院侍讀學士五月署國子監祭酒事時太學藏書散失寵疏請武英殿發書四十五部復自捐俸購經分給諸生誦讀已進順天府府尹都察院左副都御史一歲中凡五遷辛亥七月調宗人府府丞尋以骸疾告歸壽七十三卒著書見藝文目錄

趙 坤甯夏人少孤貧棄書從戎康熙間以戰功歷任副總兵屢被上召見賜資稠疊後官鶴麗鎮總兵隨定西將軍恢復西藏加左都督留駐藏時遺孽窺伺以虛聲相恐坤守以鎮靜若爲不知撫士以恩接夷以信卒無警晉貴州提督擢鑾輿衛使致仕卒於家

甘肅新通志

卷六十八

人物志 羣材三

三

栗爾璋甯夏人少穎悟讀書識要務爲經世之學由進士授檢討補臨安府見滇學荒落捐金設書院延名儒親督課文風大振築修梨花尖隄天緣橋滇人德之號栗公隄清查屯地不使弁兵侵占尋陞工部郎中轉御史奏禁衙蠹奉旨通行直省又以陝甘民田率多水衝沙壓及更名糧額偏重奏請減免桑梓並受其惠羅倫字帝言甯夏人性廉介不苟取中康熙癸未武進士授二等侍衛歷河北總兵官尋以疾辭歸居潘昶堡四壁蕭然率子弟事耕讀布衣草履與漁子農父游處若未嘗總兵權者

趙宏燮字亮工甯夏鄉賢良棟次子世襲一等子初任直隸元

有循聲歷巡道按察陞山東布政康熙二年山東饑宏燮奏請賑濟躬自巡察全活甚衆陞河南巡撫去政之病民者數十條而採備河柳積弊累民改請捐俸官辦豫人猶感頌弗衰調保定巡撫創立西沽浮橋奏廣解額置義學田新左衛五十四年特授總督入奏請賑濟畿東及濱海飢民至今直省多遺愛焉六十年卒於官蒙恩遣皇孫弔奠并賜輓詩一章諡肅敏師帝賓甯夏人趙良棟征川帝賓以中營遊擊留守甯鎮時派輓運軍需帝賓以甯民半已出征加以輓運必致兵心不安固請止之及良棟凱旋奏云臣之得以成功者以有師帝賓在無內顧憂也歷陞襄陽總兵調涼州總兵居官絕扣剋杜苞苴屏聲色介然特立涼州立祠祀之

李如柏甯夏人康熙癸巳武狀元

特授乾清門頭等侍衛體貌

甘肅新通志

卷六十八

人物志

羣材三

至

英俊挽強善射富韜略好學問然秉性剛直多不能與人款曲官南北歷十三鎮總兵所在多威惠人歌詠之經事三朝皆蒙寵眷年七十餘致仕卒於家

沈鴻俊鴻儒兄康熙丁酉武舉任山西豐川衛守備催科不擾撫字有方豐川至省五百餘里舊例錢糧本色悉赴府交納民艱輓運每至破產鴻俊詳改折色衛民感之有慈母之頌

周義甯夏人康熙辛丑武進士選藍翎侍衛由廣羅協提兵征剿黔省逆苗刁國興鄧橫等賊屢奏大捷以功加都督僉事陞河州總兵官

周廣甯夏人由侍衛授肇慶都司出征八達屢著戰功官總兵田玉甯夏人武生出行伍累功至雲南開化總兵官猿臂善射嫻韜鈴任封疆十八年在曲尋建倉儲設義學修養濟院以存活

退甲老廢請餘丁糧以贍陣亡孤寡捐貲賑饑隆禮賓士繼調開
化勦交趾狡匪莫天豹擒夷目黃文棋巖疆內外賴以永安年七
十 予告回故里舉鄉飲大賓

江 琦字思韓甯夏人世爲甯夏衛職琦生而英武會吳逆亂從
提督趙良棟征討取四川復雲南後勦噶爾旦論功累陞石匣副
將擢河北總兵官尋移鎮延綏馭兵籌饌軍民仰賴康熙四十八
年遷甘肅提督宣威布德忠誠待下士卒感服

馬紀師字錫之甯夏鄉賢際伯次子性英達喜詩書初爲裨將隨
大將軍岳鍾琪出征青海屢著奇功累官永昌協副將後駐兵西
藏六年署涼州鎮總兵官致仕歸里卒

馬紀勳字錫九際伯三子出武生 特授侍衛歷參將隨征西海
有功加左都督同知累官川北鎮總兵調潮州鎮總兵復自請出

甘肅新通志

卷六十八

人物志 羣材三

五

征歿於肅州軍營年三十八 賜祭葬

桑 安甯夏人桑特生僕康熙四十八年特生往蜀化林投親遂
歿於化林安乞丐負骸而歸路經瓦亭遇虎銜之行數武復棄而
去土人救之稍蘇半購不能動矣平涼太守義之賞銀給騎送交
甯夏監收廳贈義氣干霄匾額

周文弼甯夏施某之僕也主人沒無子文弼攻小藝以供主母衣
食無缺及主母病親奉湯藥不忍離歿則喪葬盡禮衰經爲之終
制

袁士魁字文華甯夏人仕山東大名鎮右營守備善撫士卒有徐
秀者向爲響馬賊殺積有餘貲遂入伍中隸左營左營守備楊某
峻刻多怨御秀尤少恩秀遂倡衆亂縛其帥韓某擁衆至守備署
斬守者楊逃匿僅免士魁聞變即整軍馳至喻以禍福衆稍散徐

秀等知不免與士魁巷戰士魁奮勇直前賊遂潰猶挾副帥上城據守士魁授計於把總苗某就城上擒之亂始定繫其黨三百餘人待罪士魁不欲要功肆殺請於當事者但誅其首惡而已大名進士成恭爲長歌以紀其事時康熙壬寅十月十八日夜

張宏印字斗如甯夏人偉軀幹善騎射康熙時爲本營千總乙未上西巡駐蹕甯夏于軍伍中奇其狀貌即著隨豹尾槍行走補守備隨征噶爾旦以軍功累陞洮岷副將時西固生番不靖宏印勦撫功多遂授貴州總兵 賜孔雀翎并盔甲領廣原甯夏兵進勦烏魯木齊所在克捷雍正甲辰卒於軍 特進光祿大夫 賜祭葬

張 坤甯夏人諸生讀書每有心得不徒爲章句學敎授生徒遇有質美家寒者並資其膏火成就人才甚衆事雙親誠恪兄弟友

甘肅新通志

卷六十八

人物志 羣材三

五

愛宛若童稚鄉里無閒言

師懿德帝賓子由行伍累官天津總兵江南甘肅提督援哈密征北套累奏克捷所在恩威兼著有良將風後陞內大臣鑾輿衛使雍正二年告休居村落跨健驢後隨二奚奴負琴挈榼日與耆舊文士相往還優游林下者十餘年以壽終

劉豫泰甯夏人任武功縣訓導制行剛方事繼母以孝聞敎弱弟皆口授經書課徒則先道德後文藝常以誠敬二字銘座右雍正二年觀察單某欲修舉 文廟祭器豫泰爲博採遺書圖式尺度一遵古制在武功捐修廟舍訓諸生循循不倦爲詩文並清矯有前輩風格

劉宏毅字重遠甯夏人拔貢生資敏捷好學問制藝日可十餘篇猶深於詩古文著書見藝文目錄

羅俊甯夏人雍正朝由侍衛以剛直受知授沙河都司有僧人驕淫不法俊得其實斃之總督某以擅殺聞上置不問調居庸關都司值裁延慶衛入州已數月士民爭訴不便狀適欽差拉錫回京俊遮求代奏詔調俊及直督李維鈞道員岳濬面質俊爭之甚力衛卒仍舊仕至太原鎮總兵

路一鶚字子薦甯夏人由武生入伍累官至浙江台州副總兵署理温州鎮總兵持體鎮靜嚴而有恩所在兵民悅服任台州九年致仕攀援泣送者累累達於境外爲立去思碑

李耀甯夏人由行伍歷官延綏鎮總兵御士卒威惠並行嘗出征巴里坤及烏魯木齊擒黃台吉羅卜藏丹津屢立奇功賜孔雀翎並廕一子

李現光耀長子由武狀元選頭等待衛歷官神木副總兵御兵嚴

甘肅新通志

卷六十八

人物志 羣材三

五

而不苛猶喜賓禮儒士雅歌投壺有儒將風

李現秀耀次子由監生隨征巴里坤以軍功授江西瑞州同知歷陞廣西蒼梧道政務安靜民有爭訟剖斷公平必先以勸諭不輕用刑所至人頌其寬惠

王綏字履齋甯夏人由武進士選侍衛歷官江南督標中軍副將南贛壽春鎮總兵官陞江南提督撫循軍民所在著績任督標時倡議捐俸貯庫以資武員身故回里費當事者美其義並咨江西省畫一遵行自是兩省故員旅櫬妻孥無不得歸者南贛俗多溺文綏乃立法自營兵始存活者有賞淹溺者並坐罰隊長自捐廉備賞資爲所屬倡從事六七年全活無算民間感慕其風漸移辛巳黃河漫溢奉旨星夜赴壽春條上十餘事水患悉平特旨褒嘉賞資甚優任提督一切陋規悉奏罷之軍伍肅清奉母至

孝事兄尤恭謹俸祿有餘悉以歸兄事無巨細罔不稟命焉自奉極儉而濟人之急傾囊不惜好讀書公餘手不釋卷仕宦三十餘年餽遺無所受卒之日江南軍民無不流涕者著書見藝文目錄趙秉鐸坤子幼業儒以恩蔭累官至廣西潯州副將在任有威惠兵民愛戴性靜雅公餘吟詠自娛著書見藝文目錄袁積蔭甯夏人出行伍歷官漢中副將擢陞涼州總兵英姿颯爽勇敢爭先雍正年從征西藏及禱子山論功積蔭爲最凱旋後以疾卒於官年五十餘同邑周道煥字含章雍正癸卯拔貢督學孝徵王某甚器之惜年未四十卒

王愷字允和甯夏人由貴陽把總於雍正四年進勦廣順州屬長寨狝苗以功陞四川提標中軍參將乾隆十三年又進勦大金川統領官兵攻打木岡音嶺中峯右梁等處先後克獲碉卡擒殺

甘肅新通志

卷六十八

人物志 羣材三

三

賊番甚衆屢立軍功陞至陝西西鳳協副總兵後致仕卒於家趙之璧字東辰宏燮子世襲一等子性鎮靜生世冑澹然聲利由戶部郎中歷任府道陞兩淮鹽運使又爲長蘆鹽運使皆美官廉正自持一塵不染時論高之後告病回籍卒於家又趙之桓宏燦子也嘗以郎中署直隸巡撫完宏燮未竟之事

柴可楫甯夏人歲貢生任甯州學正課士嚴明士有貧者輒以俸錢資助之當時咸推重焉

賀爾康甯夏人貢生官鎮安縣訓導修鎮安志未成沒於官署令聶某夜夢與語若有所請以續其成者聶驚覺並錄其異於志

胡秉正字建中甯夏人歲貢任環縣訓導少穎異有才藻工詩文天性和易教授生徒循循有規矩環縣人至今思之

王家瑞字吉人甯夏人歲貢生博涉多聞居家孝友練達時事有

肆應才學校有公事每推爲領袖云

王家彥字迪人甯夏諸生性坦易慈祥與物不爲畛畦少孤事伯叔父母如所生視堂兄弟如同胞府監收廳仲山王某題其堂曰式好能文章耽典籍求古書不計貨費郡中藏書之家推王氏爲首周急濟困見義必爲并荒祠廢廟有關風教者率爲創首修建如岳武穆王廟王仲山公生祠皆其所經理云

葉永賓字子穎甯夏拔貢生性純雅有德望少聰穎能文章工書翰大者一字累尺盈丈率整練端凝地震後凡公廡祠宇多其所題署

賀爾德字念修甯夏人由衛學廩生告請從軍征噶爾且有功授副將任赤金游擊壽八十三卒

張起鵬國樑子由白衣國樑奏請入宿衛 賜孔雀翎後補南營

甘肅新通志

卷六十八

人物志 羣材三

美

參將以勁幹稱超授真定總兵官旋以事罷歸年未六旬優游林下與郡中諸名宿琴樽往還築室賀蘭山滾鐘口內勒石曰張公山居游息其閒屏蹟城市

阮爾英甯夏人出行伍出征西甯及歸德營舉旗擒賊勇戰有功 歷陞涼州游擊後告休回里卒

廩生任墀武生蔡景炯俱甯夏人墀教授鄉里門下多所成就景炯精書法善騎射設教鄉里寒士來學不受束脩每排難解紛漢回悅服

怡希孟甯夏歲貢生性情古直學問閎通猶工書法筆力遒勁直入顏柳之室求書者填門人得其隻字多什襲藏之

姬學周甯夏人嘉慶乙丑進士官江西知縣慈惠爲政愛民如子任 愷字樂五甯夏人以吏員授河南典史辦理軍務以功歷陞

開歸陳許道政聲卓著民呼青天卒於任

張坦馬賓陽俱甯夏人坦中道光丙午舉人主講書院勤於訓課司鐸數任造就多材并勦辦城防保甲不辭勞瘁賓陽拔貢主講書院德教孚於鄉里

蔡奇謀甯夏人拔貢官山西長子縣丞自奉儉約盡心民事公事之暇臨池學書在任二十年百姓感戴

許瑛甯夏歲貢生性直介課讀桑梓未嘗以一詞入公門歷任官長深爲景慕文筆超後不凡

于濱甯夏庠生性伉直不苟辦理漢渠工程二十餘年能持定見不爲衆所搖卒之人享其利稱爲長者同時恩貢生張允灼學有根抵持家處世無詐無虞

鄭治甯夏人官涼州鎮西把截守備值回亂捐廉補修城垣竭

甘肅新通志

卷六十八

人物志 羣材三

七

力防守以功保參將加副將銜兵民贈額曰德重軍民番漢感之羅某甯夏農民同治四年賊攻洪廣營時某年弱冠執戈直前獨戰殺回酋數名賊敗披靡圍立解後又帶勇解平羅縣圍奮不顧身兩濟危困鄉人稱之

李震緒甯朔屬貢品端學優師表後進多所成就生平著述甚富遭地震火毀其孝友睦姻鄉黨至今咸推重壽八十六卒

史師朱甯朔廩生性直諫動必以禮不苟言笑誘掖後進一以敦本力行爲先教爲文辭不喜浮靡達意而止鄉黨欽其方嚴目之曰古人

張鳳紀甯朔增生性和平隱居教授操行不苟鄉里同稱同里景文昭景會心父子武舉家傳善書人珍重之

蔡天藻甯朔拔貢官四川知縣初署長壽縣政簡刑清爲大吏器

重歷署巴縣雅州以整頓學校爲首務補邛州知州在任三年口碑載道署夔州府三年剔除吏役收稅積弊民呼蔡青天

瞿三益字友善一字西山甯朔人生有異兆稍長穎悟絕人個儻尙氣節忠孝天成年十六以母命習騎射三年不解衣帶遂精焉中道光乙酉解元己丑進士分發四川歷署青雲營守備建武營都司十四年帶兵勦辦馬邊十三支赤夷是役也以三百人破獾獾數萬之衆畏威遠遁百姓以安總督鄂保奏 上記名守備儘先補用旋補小河營守備丁憂服闋補馬邊營守備部選廣東惠州協左營守備嗣奉 旨以遊擊留廣東用至二十八年總督徐題補萬州營遊擊凡至任所整頓營規訓練士卒扶植人材培養元氣素以古名將自期曰不如是即負君恩負吾心衙署大堂嘗匾心存君國四大字又以出入每念皇恩重之句顏之門首以自

甘肅新通志

卷六十八

人物志 羣材三

三

觀省性伉直同官輒忌媚忠義智略既不獲自見於世每語時事憂形於色聞告諸子太息不已甚或感慨以至泣下時粵西賊起多竄伏州縣閒獨萬州無賊三益方日治守具鎮府某以舊憾輒沮抑之又將罷三益以快其私而三益已解組歸矣平居喜讀四子書及先儒格言六十有三猶端楷書幅以訓諸子同治四年閏

月以疾終於廣東省城之寓第享年六十有四

管玉和甯朔舉人官河南知縣恪守官箴潔已愛民張起鴻甯朔歲貢生設帳教讀里中子弟貧寒者不受束脩門下成就甚多取與嚴一介經理邑書院多年士子佩服後銓成縣訓導年八十卒於任

瞿良斌甯朔人以軍功擢同知分發陝西補用性好施予不染宦習公暇輒靜坐日持周易把玩以爲修身寡過之資朝邑閩文介

敬銘甚器重之

李清和甯朔人天資明敏幼稱神童工書法以廩生從戎積功保儘先游擊加副將銜後補西甯都司同里羅如芬亦由增生以軍功歷保知府加鹽運使銜 賞戴花翎

麥永年吳樂卿俱甯朔人同治中回亂永年赴慶陽請兵以功歷保藍翎知縣加同知銜中光緒乙亥舉人主講邑書院訓迪不倦樂卿從軍積功保花翎直隸州亦以舉人主講邑書院勤於提命成就甚多

馮 然甯朔歲貢生敦品勵行耄而好學友于兄弟教讀門下多所成就提學使某賜一鄉人瑞匾以旌之同里申琇歲貢生辦唐渠工程三十餘年未嘗徇私

朱武英平羅人由把總隨大將軍岳鍾琪征棹子山屢獲奇功軍

甘肅新通志

卷六十八

人物志 羣材三

堯

民感戴 賜孔雀翎陞西鳳協副將

張爲章字漢橋平羅人咸豐戊午進士官直隸大名縣知縣廉能有政聲

張楷黃乃甘俱平羅人楷司鐸會甯樂善不倦士林式化後遷洋縣教諭乃甘以同治癸酉拔貢任肅州學正誘掖士類成立者衆俞壽祺字介眉平羅鄉賢德淵姪同治甲戌進士任江西宜黃縣知縣所在有偉績弟思恆由孝廉方正任廣西岑溪永淳等縣知縣治術廉平稱最焉思益以同知任廣東陵水從化乳源等縣知縣所在有聲民感頌之

龔朝瑄平羅人以吏員隨大軍出征新疆番逆屢立戰功任廣西鬱林州巡檢代理知州有政聲

張啟緒王士彥俱平羅貢生啟緒設帳講經有濂洛風歿後門人

無不泣下士彥學問淹貫阿拉鄯延聘三年瀕行贈之金不受品重藩國

史繼經岳鍾仙俱平羅人繼經耽嗜經史里中後學願瞻光霽鍾仙貢生性狷介不肯徇俗風雨一椽窮年兀兀

董基成王九齡俱平羅人基成庠生勤耕讀課子孫足不履城市九齡貌古性樸家貧躬自操作鄉人矜式

任棠李芳田俱平羅貢生棠好學能文樂善不倦同治初回亂流離困苦吟詠不絕芳田性儉樸見利思義不苟得治家謹嚴內外肅然家貧好讀書人以長者目之

孟之珪靈州人康熙甲戌進士天姿穎異品行端方文章書法兼有名於時立條教闡明理學至今靈武士人皆宗仰之

李 頌號誠菴靈州人雍正丁未進士累官監察御史糾彈無隱

甘肅新通志

卷六十八

人物志

羣材三

李

後以事罷歸寓居甯朔縣馬塞堡教授生徒以脩脯自給從游者甚眾常以生平所身體力行者書存誠行恕敦孝弟戒淫行謹言語慎容止嚴交游立志節入則於學舍學者欽仰之

王 寅字賓陽靈州人辛酉拔貢性和易行端方所學有源本事親能以志養工詩古文教授於家游其門者多以文學著稱子可久乾隆壬申舉於鄉孫晟丁酉舉於鄉庚子成進士選翰林院庶吉士

許體元字御萬靈州人賦性純樸沈潛理學尤精於易乾隆十一年舉優貢生任安定縣司訓安定荒體元奉憲檄出賑遠近不遺貧民被澤甚夥尋告休著書見藝文目錄

張松年字壽山靈州人由拔貢中道光辛卯舉人授狄道州學正淡於仕進歸里授徒立教以德行為先嘗謂士不敦品雖學富五

車亦糟糠耳

王 烜靈州人由舉人大挑官直隸知縣歷任定興河間諸縣所至有聲後任平山縣適擒匪爲亂某帥督隊往勦道經平山限一宿供支麪餅萬斤或告之曰此因辦差不周非爲麪餅耳烜曰予蕭然一吏焉能遂所求轉索於民吾弗忍也憤極自刎民間烜被創爭獻麪餅萬斤即足萬斤之數烜以宦途險巇開缺回籍未幾傷復發卒於里

道以德靈州人歲貢生講學名山不求聞達然極關心時局咸豐季年陝回肇亂以德見馬化澂蓄謀不軌數上書當道不省同治元年平遠預望城回首馬兆元竄擾靈界馬化澂起爲之應破州陷郡荼毒生靈以德悲憤不已因假道河套赴京籲懇有 旨下陝甘護督恩麟查辦是時兵單饑絀而當事者類多怯懦無能付之無可奈何遂致養癰貽患不可收拾以德歸至花馬池卧病不起慷慨悲歌作詩六十首以寫其憤事雖未就志足悲矣

甘肅新通志

卷六十八

人物志 羣材三

三

季 平靈州人同治二年州城失陷平在東山圍集逃亡勦殺三審等處回匪州民多賴生全後投効甯夏道某轅下帶團勦捕河東河西回匪並力保平羅洪廣甯夏各城池以功保都司銜補用守備並 賞戴花翎八年河東河西回匪平定散團歸農終於里石薏玉字輝山靈州人同治八年投効湘軍攻克金積堡西甯河州肅州各處無役不從光緒二年隨同大軍出關帶定遠右營克復新疆全省有功歷保頭品頂戴 賞戴花翎琿武巴圖魯以提督 記名遇缺 簡放九年請假回籍爲農夫以歿世云

田九福字祝三靈州人同治八年投効湘軍迭著戰功光緒二年隨同大軍出關先後管帶董字左右兩營兼管蒙古中旗馬隊克

復瑪瑙斯瑪拉巴什各處出力尤多歷保頭品頂戴以提督 記
名簡放並 賞戴花翎霍隆武巴圖魯歷署喀什噶爾副將阿克
蘇總兵後告歸終於里

丁自明甯靈廳生員回民也馬化澂以新教倡亂遠近回眾顯與
忤觸自明父子兄弟陽奉陰違藉圖自固且出資糧聚練鄉勇不
分漢回皆得入團漢民藉以全活者眾同治九年湘軍被圍於吳
忠堡自明父子運糧以濟其困劉錦棠賞給六品軍功迨金積邊
平回眾或誅或遷而自明父子獨以功得全後自明又與其兄自
仲同列邑庠子文蔚亦入庠爲廳回望族嘗獨修退水閘以興水
利賑貸漢回而不責償其疏財仗義猶有足多者

劉得炯字煥章中衛人雍正己酉舉於鄉任朝邑教諭學務實踐
視四書五經爲身心性命之事以前明馮少墟先生關學編聯開
甘肅新通志 卷六十八 人物志 羣材三 三
有舊本而版籍無存於是序而重刊之即以少墟先生入於集中
又以復齋王先生布衣銳志聖學甘貧樂道四十餘年亦續入焉
其言曰正心誠意以修身主敬致知以力學而後性命一歸於正
惟日孳孳以是自勉云

西甯府

南北朝魏源 延西平樂都人性謹厚少好學位侍御中散賜爵廣武子諡簡子

源 纂字靈秀子恭弟位太尉少卿莊帝永安元年太原王爾朱榮入洛沈靈太后並王公卿士二千人於河套纂與焉贈定州刺史

周源 雄子恭弟字世略少寬厚美姿容周以伐齊功封朔方公歷冀平二州刺史及尉遲迥作亂以書誘雄卒不顧遣眾平之陳人遣其將陳紀蕭摩訶等侵江北雄擊走之悉復故地遷朔州總管平陳後以功進位上柱國復鎮朔方

明王 友西甯人原籍荊州以靖難定京師授世襲都指揮僉事旋封靖遠伯明年充總兵官帥舟師沿海捕倭大破之帝喜降勅褒

甘肅新通志

卷六十八

人物志 羣材三

奎

勞屢次從征交趾進侯加祿五百石與世券後卒仁宗即位官其子順為西甯衛指揮僉事

李 咏西甯衛右所人襲指揮職成化三年授錦衣指揮同知尋進都指揮使用薦擢左都督僉事屢分典鹽務以嚴慎稱宏治六年卒於官御賜葬祭

李 玘咏子喜讀書不事華飾成化辛丑進士歷官尚寶司丞張文學字元素西甯人成化間以歲貢選山西隰州吏目為官清廉有政聲居家長厚推誠待人藹然有古君子風

李 奈西甯人父惠楚府長史籍本河南彰德謫湟中遂聚族而居奈奮自國學為人勤慎宏治正德間以薦歷官鴻臚寺卿嘉靖十年致仕歸賜西甯衛城南隙地築舍以居

郭子輔字汝相西甯人少負氣節業尚書遊泮嘉靖辛丑貢入太

學久之銓饒陽簿值令缺子輔攝焉與學校理馬政濬渠築隄必躬親其事嗣告歸以讀書課子爲樂年六十一終

甘 貞西甯人鎮番衛城守營守備嘉靖九年流賊剽掠貞率兵出蕢草湖禦敵大破之

祁 德西甯人萬厯中襲兄指揮使職以功厯遷西甯參將尙書鄭洛令招收諸生番五萬八千有奇由是西海羽翼漸疏授鎮國將軍西甯副總兵協守湟中屢卻海寇有功以老疾乞身終於家賀來獻字誠齋西甯人萬厯中以選拔任南城兵馬副指揮爲人有清操外明察而內忠厚又習文法輦轂之下處之裕如御史甚任之知不能大用致仕歸以壽終

陳光先西甯人嗣父畏西甯衛指揮職萬厯中屢官守備嗣流寇犯慶陽奉檄防朔保固無虞總督洪承疇甚重之具疏留標以功

甘肅新通志

卷六十八

人物志

羣材三

裔

遷山西掌印都司旋擢大靖參將數年京師戒嚴光先率衆卒勤王至蘭州流寇復熾肅王疏留護衛賊遁遷莊浪左參將後積勞成疾卒贈驃騎將軍

魏 寰西甯人有勇力習邊情任碾伯遊擊中軍守備把咱族生番怙惡害民寰追勦之斬首十九級奪獲牛羊無算復犯復勦生番懼奔無敢再犯

馬允昇西甯人幼習戎行長躡捷精悍禦邊有功厯官五軍營右副將後軍都督府都督僉事

談世德字克修西甯人天啟四年積勞厯官甯夏鎮標遊擊謀勇兼資臨陣身先士卒套寇犯興武世德率兵追勦賊懼夜遁崇禎中陟甯夏總兵官

柴時華字維寰西甯人任蔡旗堡守備營政整肅與士卒同甘苦

慨捐俸金修葺城垣買馬備戰虜由是不敢入寇嘗於一歲三撥鎮番俱獲捷嗣海酋蠢動率兵應援敵遠竄崇禎時當道以時華有將才調甘肅鎮標去之日老幼皆遮道挽留後官至總兵張爾奇西甯人魁梧善射詳究地利宦遊之處舉圖所過山川形勢崇禎中累功至都督同知四川提督漢土官兵總兵官莫與京西甯人年十七嗣父官有勇略累功至蘆塘參將陟西甯副總兵崇禎中碾伯叛民黃登等聚結謀變與京擒厥渠魁解散脅從甫回甯鎮海馬安邦叛與京往勦之惜所將卒與鎮海軍民皆親故無意戀戰以致無功遂罷職甯民惜之

國朝李愈棠字蔭南西甯人由拔貢順治十年任太倉州同知十七年歷廣東鹽課提舉司時禁網尙疏奸徒射利窩占有司未嘗振理愈棠慨然以釐剔爲己任康熙元年乞休歸里好善樂施不入公

甘肅新通志

卷六十八

人物志 羣材三

空

門工詩詞茗華旨雅所著見藝文目錄

查西甯採訪冊鄉賢門無李愈棠名後檢出西甯舊

志愈棠傳下有擬入鄉賢字樣而鄉賢志已刻成不及補列特附注於此

郭守邦字金甌西甯人順治甲午貢考授縣佐康熙十四年從軍有功授兩當縣令改山西長子縣令有治績著有郭氏家譜

沙 琥西甯人康熙間以壯勇隨征逆藩授撫標把總旋從本標遊擊恢復通渭縣城大將軍圖海調隨征川琥充前鋒恢復略陽陽平關成都等處功加守備後以積功加參將擢四川川北鎮標中軍遊擊克取打箭爐有功加都督同知以年老致仕歸里

韓雯鵬西甯人以功授千總雍正元年從征青海羅卜藏丹津有斬虜功擢貴州威甯鎮中軍遊擊改雲南鎮標遊擊後屢征苗逆有功加署副將銜卒於官 恩準一子監生

談定邦西甯人以積勞授西甯鎮標守備雍正元年從征青海羅

卜藏丹津有功授鞏昌營遊擊以甘肅巡撫薦上擢爲二等侍衛旋授潼關副將九年從征巴里坤木壘以疾乞休壽終故里李英字子傑西甯人少年從戎有氣力以從勦青海功累官肅州鎮標左營遊擊雍正八九年開駐防魯固慶進勦準葛爾賊皆能全所將卒後護送土魯番回民移瓜州行至白茨水病卒王敬相字枚卿西甯人世以耕讀爲業甫入泮即有文名苦志力學爲人孝友忠厚無急言遽色鄉里爭延爲師兼善醫術精方藥貧者乞藥不取其費士民敬之

賈懷德字時修西甯廩生早失怙恃事大父能承歡與諸弟友愛課生徒引經義陳古訓娓娓無已爲人寡言敦良謙讓不輕入公門年七十而終

郭甯邦字蘊亭西甯人少勇敢善騎射兼善書法好吟詠駐防葉

甘肅新通志

卷六十八

人物志 羣材三

三

爾羌以功授把總乾隆二十六年從征金川有功授肅州鎮夷營千總歷官守備四十六年破逆回蘇阿渾恢復河州城五十一年授提標前營守備歷南川峽口等營都司補保安都司以積功擢蘆塘遊擊尋補靖遠協副將嘉慶三年終於任

嚴輔德字公亮西甯人乾隆甲午副貢孝友成性學富品端動必以禮不愧儒雅與子宜同科中鄉選

嚴宜字克訓輔德子乾隆辛丑進士授貴州都勻縣知縣調任桐梓貴筑等縣知縣以擒寇有功擢陞永豐州知州歷任古州黔西州所至俱有政聲署思安府知府後借補直隸長蘆薊水分司不受餽贈卓著廉明晚年解組歸講論正學津梁後進壽七十而卒

盧呈瑞字繡如西甯人生而岐嶷有大志以外委乾隆五十五年

從征廓爾噶繼勦川陝教匪積功歷陞東粵欽州參戎晉福建延平副將權龍門協削平海寇張保鄭一嫂獲艫艘三百隻礮械以萬計以功擢署南韶總兵補授黃岡協晚年解組歸與弟呈霽明經潛心典籍有儒將風

盧所章字文峰西甯人嘉慶癸酉拔貢穎敏過人勤學問善書法家居養親絕意進取鄉里重之

徐福字海雲西甯人勇略過人果勇侯總督楊遇春奇其貌拔爲先鋒嘉慶道光閒從征有功授涼州鎮標都司旋陞甯夏洪廣營遊擊代理涼州河州總兵陞山東東昌營參將致仕歸年七十四而終

趙承訓字敬亭西甯人嘉慶閒歲貢性剛直生平恪守禮法以躬行實踐爲宗選陝西華陰縣學訓導辭不就壽七十六無疾端坐

甘肅新通志

卷六十八

人物志 羣材三

七

而逝入祀屈公祠

褚裕仁字伯敦西甯人學問博洽文有大家風總角補博士弟子員嘉慶庚辰成進士授陝西郿縣知縣到任捐廉重修橫渠先生祠闡發東西兩銘開示後學旋遷直隸三角淀通判致仕歸與門人講知行並勵之學後學宗之

杜潤字雨亭西甯人道光丁酉歲貢幼通史多材藝尤精岐黃秉性正直沈靜寡交授通渭訓導啟迪後學先器識而後文藝有經師人師之稱卒於任歸葬入祀屈公祠

楊興霖字雨臣西甯人道光辛丑聯捷進士授四川彰明縣知縣課農桑興學校有古儒吏風

李協中字和庵西甯人道光己酉拔貢朝考一等歷署直隸大興東鹿知縣補授廣東從化知縣學問淵博工詞章著書見藝文

目錄

雲蔚桐字雨人西甯人性明敏經史子集一覽成誦咸豐壬子進士授內閣中書三年 簡派贊襄安徽軍務積勞成疾年二十九卒於軍奉 旨馳驛歸柩

郭成均字治堂西甯歲貢工書法善篆隸性沈靜寡交遊閉戶讀書專事習靜工夫生平足不履公門其學品足為後學楷模年近八旬無疾而終入祀屈公祠

晁 炳字耀南西甯人咸豐壬子進士歷任四川璧山銅梁灌縣知縣補榮昌縣知縣未到任卒於旅次炳官箴自勵不事貨緣卒後宦囊空匱其居官清廉可見也

晁 焯字彤文炳弟也咸豐辛酉拔貢 朝考用工部七品小京官陞主事辦理織造事竣 賞加四品銜截取直隸州知州分發

甘肅新通志

卷六十八

人物志 羣材三

矣

四川未及握篆卒焯風雅長於詩雖宦况清貧晏如也又熟悉吏治不獲展布同僚惜之

祁維藩字拱宸西甯世襲指揮使性沈靜好讀程朱性理之書淡於名利在官勤政愛民時地方不靖聯絡部族為保種保土計恆解衣推食以恤士卒晚閉門謝客著書見藝文目錄

陳啟新字猷亭西甯人布衣好學以詩才著名著書見藝文目錄 呂志訓字建如西甯人歲貢學問淵博著書見藝文目錄

鄧 敏字捷三西甯人性敏好學淡於仕進持躬勤儉嚴於治家滿架圖書無塵俗氣著書見藝文目錄

張思憲字慎齋西甯人性謙和工書能文咸豐辛酉拔貢 廷試一等籤分四川知縣知永甯縣事會兵勇鬧饑滋事居民惶恐思憲單騎入營解散地方以安兵民感德建立生祠後告終養卒年

七十八著書見藝文目錄

劉永椿字蔭華西甯人光緒乙亥 恩科舉於鄉大挑廣東知縣
歷任翁源農川茂名等縣大計卓異政績異常時稱循良第一後
積勞成疾年五十一卒

張 琦字景韓西甯人光緒癸未進士入詞林散館授陝西武功
縣知縣調署大荔縣知縣所至政聲卓著年五十卒

來維禮字敬輿西甯人光緒癸未進士籤分戶部主事改官山西
知縣會提督董福祥授剿河湟回匪襄辦文案歷保道員並加二

品銜仍留原省晉撫毓賢委帶晉威馬步全軍兼充全省營務處
因病乞假歸里年七十卒

徐 行礪伯人甫弱冠即補弟子員由拔貢任山東堂邑縣令有
惠政

甘肅新通志

卷六十八

人物志 羣材三

六十九

李國璽礪伯史納莊生員係會甯伯李士司之裔敦品勵學為士
人所景仰邑令問某嘉其行誼匾其門曰敦厚可風

楊國俊字秀峰礪伯人咸豐辛酉拔貢光緒乙亥 恩科舉人大
挑二等選授涇州學正品端學優教諸生如子弟諄諄以敦品殖

學為勸諸生皆愛敬之以卓異升授平涼府教授士林愛戴一如
在涇州時既告歸卒於家年七十二姪宗程歲貢生亦有聲譽

梅 魁字雪峰大通人博學能文以歲貢官高臺教諭勤於訓迪
多所裁成在任為諸生講呂氏鄉約薄俗以革

張鈺文大通貢生性端嚴孤介自矢家無儋石不以動念子夜篝
燈書聲動四壁後署西和縣訓導樂道敦仁諸生企仰之

趙登舉大通貢生勤讀書好深湛之思砥礪廉隅為詩古文辭迥
異恆蹊官兩當縣訓導每朔望謁 廟必先同僚至學署如塾館

受業常盈座解任時士多攀留焉

張海鯉大通貢生候銓縣丞博通經史品節詳明有傳世詩文見隴右校士錄

梅汝賡大通貢生和厚儉約博通經傳有傳世律詩見隴右校士錄

趙東生丹噶爾人原籍甯夏道光間由西甯鎮標千總轉鎮海協營千總署哈拉庫圖爾營守備代理鎮海協營都司同治回亂防護丹邑甚著勞績保加都司銜四品頂戴年九十六乞休歸里

王 俊丹噶爾增生讀書樂道學純品粹不求仕進生三子敦善敏善政善皆以學行聞家學淵源書香繼世本邑以王氏開宗云王政善字時庵丹噶爾歲貢辦防堵敘功 賞五品藍翎弟敏善咸豐三年歲貢

甘肅新通志 卷六十八 人物志 羣材三 卅

王敦善丹噶爾廩生持躬莊敬衣冠終日無惰容事親極孝篤於友于老而尤摯教子弟寬嚴並用受教者雖至成人後皆敬畏之楊 苑丹噶爾人府學廩生好學能文兼精拳技刀矛鳥槍皆所練習同治回亂爲東門營團總臨陣智勇兼備指揮有方進退兵勇尤合機宜子卿雲友雲皆邑庠生

張兆珪丹噶爾人幼貧爲人牧舍近書塾嘗竊聽學童讀書而默識之塾師見而異之授以書即解其義由是半讀半牧遂入邑庠以教授爲生肆志於經世之學嘗爲族某草番務策上陝甘總督琦善大加賞識同治回亂奉諭辦團策略宏富應變有方惜以奇窘遭亂離終未竟其施用

張炳奎字虎臣丹噶爾歲貢同治回亂爲李大莊營團總賊攻甚急炳奎率勇督戰卒以卻賊

董志敏字慧庵丹噶爾歲貢幼穎悟號神童書史過目成誦善屬文有古大家風子天秩童年入泮聰穎亦類乃父

楊名才丹噶爾歲貢歷署玉門縣訓導靜甯州學正謙和恭謹耄好學致仕里居歷任同知每有疑難輒就正焉名才條陳利弊斟酌悉當從而興革者甚多

馬恆年丹噶爾廩生辦番務保訓導繼辦團練敘功進教授署文縣教諭卒於官

劉永和字慎行丹噶爾增生樸誠木訥不同流俗家貧力學善書法兼能詩

王明德字宣三丹噶爾增生質敏學博負不羈才惜遭逢不偶潦倒以卒先達明公多器之

張世順丹噶爾生員博學能文尤工於詩長於古作五七短歌

甘肅新道志

卷六十八

人物志

羣材三

三

毛鵬展丹噶爾增生家貧力學嘗百餘晝夜不息遂致過勞成疾年二十五而卒

楊卿雲苑子丹噶爾生員敦行飭躬勤學性成其丰度類乃父弱冠早世里人惜之

方毓英字俊卿丹噶爾廩生穎悟嗜學手不釋卷文有古名家風魏秉貞字靜淵丹噶爾廩生篤於文行隴右校士錄登其藝

崔士亨丹噶爾人廣西柳州府羅城縣典史因親老且病告養在籍襄理地方事務剔清諸弊興學恤窮諸善舉裨益地方者良多未仕卒於家

張煥奎丹噶爾武舉體貌魁梧膂力絕人同治回亂爲大南營團總兼北四營團總申中一役督隊衝鋒親冒礮火進退士卒饒有方略關內肅清保儘先都司 賞花翎署鎮海協營中軍都司卒

於家子世順增生

張映奎煥奎弟丹噶爾武舉回匪初亂與乃兄創辦團練爲北營團總驅兵攻破拉沙爾西納川一帶回莊斬獲甚衆赴塔寺救援三次皆力戰解圍夙昔寬厚待人故士卒樂爲用命肅清後保守備 賞花翎未仕卒於家子世達廩貢世秀以廩生保訓導署通渭訓導世厚以武生從征直隸保都司

祁永祥丹噶爾人同治回亂稽城門出入驗放行人督勇登陴勤於巡防承平後督工修造勞怨不辭

祁有恆丹噶爾人同治回亂爲小南營團總奮勇爭先戰功頗著敘功賞五品頂戴

王存禮丹噶爾人以鎮海營兵從征青海勦平番賊以功升西甯鎮標前營把總

甘肅新通志

卷六十八

人物志

羣材三

三

王鎮海丹噶爾人以鎮海營兵奉派出關勦寇有功保千總 賞

藍翎補巴暖營把總署鎮海堡千總

蒲養年丹噶爾人以鎮海協營兵書奉派征勦四川土匪藍大順以功保千總補西甯鎮標中營把總升補鎮海協營千總

劉復清丹噶爾人以鎮海協營兵書奉派出征直隸山東擒匪各逆歷保儘先遊擊署巴暖營守備

王道隆丹噶爾人以禦回有功保把總補西甯鎮標後營把總方致中丹噶爾人性嚴正聰慧過人精書算回亂時帶大南營隊遇賊力戰以功保把總子毓英廩生毓秀庠生

孟柏林丹噶爾人有膽略回亂時帶隊衝鋒每戰先登團總張煥奎每倚重之

馬長清丹噶爾人回亂時有戰功歷保千總

李世俊丹噶爾人回亂時帶隊奮勇爭先頗著戰績以功保把總
張守善丹噶爾人回亂時設總巡局督率居民登陴防守奉諭辦
公正直無阿承平後人猶稱之

董學恭丹噶爾武生回亂時率死士擊賊首馬文義幾擒逸去屢
著戰績申中之役賊據其舍尤異常出力承平後卒於家

王殿倉丹噶爾人回亂時帶大北營隊自始至終戰績最多嘗援
西甯府城及塔爾寺敘功保六品頂戴

吳丙寅丹噶爾人申中之亂與妻子同守礮樓令妻子裝藥彈已
則循環放之發一彈斃一賊無虛發者曾於一日斃百餘賊承平
後以獵獸爲生目所見無逸去者

趙志印丹噶爾人同治回亂時爲團丁以鳥槍命中斃賊甚多後
光緒回亂爲團總嘗援鎮海堡以計斃哆吧著名回匪河灘老五
餘賊懼退後於本鄉響河爾敗賊尤爲異常出力

麻昌丹噶爾人力大善飯遇賊直前步行捷於奔馬登山尤健
每戰有功賊皆憚之

李三孝丹噶爾人有膽量嘗手刃花寺回匪三百餘人矯健異常
一躍丈餘力援甯郡爲當道所倚重

張志治丹噶爾人回亂時爲團丁膽力兼人每臨陣誘賊步鬪手
搏而取之出入賊陣殺賊甚多時號爲小扇巴扇巴番語屠者也
後光緒回亂尤爲出力以功保五品頂戴

馬萬金丹噶爾人申中之亂賊首朵五爾攻礮樓中石落馬萬金
捉賊足倒拽數十步遂生擒之

何章守丹噶爾人申中之亂朵五爾攻礮樓章守以巨石下拋中
其額墜馬被擒礮樓保全

謝 璿字玉山丹噶爾廩生聰穎力學屢薦不售光緒乙未襄辦團練頗得力卒以懷才不遇抑鬱以終

閃家三爾丹噶爾大會回民烏槍刀矛皆所練習每臨陣鋒銳莫當嘗匹馬陷陣敵環攻之不能取勝

李永壽丹噶爾人性慈祥善排解勸人爲善口無惡言數十年操持如一日

唐啟運丹噶爾人光緒回亂督工修理城垣勞動最著辦理總巡尤稱得力

